

光緒永嘉縣志

永嘉縣志卷之十七目錄

人物志五

文苑

六十七人  
附十一人

唐

張

謹補

宋謝 雱

徐自明

補

陳季雅

戴

厚

補

王 綽

趙師秀

婁

鑄

補

胡

宗

補弟  
守

盧祖皋

潘 檉

徐 照

徐 璣

周學古

子宗  
夷

戴

栩

元儒  
林

趙汝回

薛師石

弟師  
山子

峻

趙崇滋

子必槐  
必杉

謝夢生

趙善得

李君錫

潘希白

宋慶之

祖傳

林一龍

梅時舉

陳聖元

元姚樞

黃石澗

陳華祖

孫華

一作孫華

孫

高守奎

洪濤

張天英

薛漢

明余堯臣

林溫

弟常

張著

楊升

補

金祺

補

潘文奎

補

王健

高應祥

湯志補

周感

陳鳴鳳

補

王應辰

戴賞

洪孝先

補

方日升

補

戴宗璠

弟宗

姜準

梅應期

國朝

梅調元

林占春

李世瑞

補

趙紹鼎

谷誠

林兆斗

翁應春

徐凝

謝雱字季澤父知柔嘗居瑞安樂善鄉人稱樂善先生雱性穎悟博學強記自經子百家之書皆手自校定音訓句讀一一不苟而文亦驟進紹興三十年入太學乾道五年登進士第授左廸功郎連江縣主簿憂歸再調台州司戶參軍陞從事郎淳熙十二年爲高郵軍教授改宣教郎遷知靈德縣轉奉議郎賜緋銀魚慶元二年轉承議郎三年卒官年六十三雱少受知於舅氏張忠簡公聞又與張忠甫陳君舉鄭景望薛士龍諸公周旋故不扶而直其官台州也朱子爲倉使一見如故交留語或至終夕屬以荒政及滯訟以辦集稱及試邑危坐聽事事至立決庭無留獄

又平反誣服者數人吏畏其明民樂其寬死之日巷哭相  
聞又祠之於老氏之宮所著有正字韻類五卷援據精確  
陳傅良爲之序樓鑰嘗爲郡教授與雩考訂文字毫髮必  
計及卒鑰銘其墓

改媿集

徐自明字誠甫號慥堂溧熙戊戌登第歷官太常博士知  
光州嘉定十年移知永州終零陵郡守自明爲經師宿儒  
容止靖嚴言悉中節行不越矩論著滿室蠅頭手筆無一  
字不端楷皆有益於世教所著有禮記說宋宰輔編年錄  
二十卷浮光圖志三卷零陵志十卷子居誼知永福縣一作  
宰永有廉名刻編年錄於縣學

陳昉編年錄序宋史藝  
文志史能之毘陵志

陳季雅字彥羣氣質超邁自高其材不樂師授時諸儒方爲制度新學鈔記周官左氏漢唐官民兵財所以沿革不同者以爲古人之治可復致也季雅獨闊視長揖與其先生弟子交論無所降州將讀其書遁熟如素講往往有新意出人表遂薦高等中道熙進士第又中教官爲隆興府教授未久再遭憂差潭州教授未得上乃閉門盡抽古今文字且誦且索寢食失期度務爲周覽遍學鉤得其要累衆所能連類敷繹併集已長自是貌益沖然接對言語退就平實人皆曰彥羣能下人矣得足疾竟卒年四十五著

有兩漢博議等書

水心集兩浙名賢錄

戴厚字俊仲一字長文初爲郡學錄道熙八年特科進士  
補賀州文學尋授迪功郎金華縣尉十六年轉從事郎卒  
年六十八性溫粹孝友能詞章詩清婉有思致弟沒撫其  
子如己出開門授徒席下多知名士從兄子溪尤著所著  
有春秋經解三十卷橫蕩類彙五十卷藏於家四明樓鑰

銘其墓

攻媿集

王綽字誠叟號松臺遂於學負氣節葉水心之畏友趙尙  
書汝談在史館薦充編校不就而卒薛歸愚翁挽之以詩  
有水心文會已凋零猶有先生續典刑之句所著有春秋  
傳記及雜文門人尤端明焞守建薛祕書蒙守栝竝爲之

刊行

(姓譜舊志)

趙師秀字紫芝號靈秀太祖八世孫南渡時自浚儀徙永嘉

(江湖後集作浚儀人)

登紹熙元年進士授上元主簿師秀以明道

程子嘗爲是官乃卽廨舍之前爲屋數楹以祀程子

(真西山集)

厯高安推官自乾道來濂洛之學方行諸儒類以窮經相尙時或言志取足而止固不暇如昔人體驗聲病律呂相宜也潘檉出始創爲唐詩而師秀與徐照翁卷徐璣繹尋遺緒日鍛月鍊一字不苟下由是唐體盛行師秀詩名天樂堂集又名清苑齋集

(兩浙名賢錄)

晚寓杭州有終焉之志其

孤山寒食詩云三月芳菲在水邊旅人消困亦隨緣晴舒



蝶羽多勻粉雨壓楊花未放絲有句自題閒處壁無錢難  
上貴時船最憐隱者高眠地日月春風是管絃其卒也劉  
克莊挽之詩云奪到斯人處詞林亦可悲世間空有集天  
下便無詩盡出香分妓唯留硯付兒傷心湖上塚誰葬復

誰歸

萬曆志

婁鑄字南伯號潛山寅亮從孫也曾祖瑄祖克亮父世初  
楚州教授澶祐間知名母何溥女也鑄童州游鄉校翔趨  
闊視見者辟易既壯晝繙夜玩經史傳記獵採無休時與  
篇隱帖覽卽成誦觚翰所就鄉之文學先生愈益賞異其  
詩用元祐律雖繪組故事以就聲韻而高睨物表自爲開

闔文倫紀條通勸戒森列往往有益世教駢儷尤多著有

潛山集寶慶二年卒年五十二戴栩銘其墓

皖川集

胡宗字太初湖州酒監序之子登紹熙四年第調湖州教

授

舊志宗少穎悟誦書屬文隨見輒解孝友溫良言行無

玷嘗從陳止齋游講求經制之學博考經傳參驗古今夏

休作井田譜宗亦相與講明棲鑰守郡舉宗堪應賢良方

正能直言極諫科

政魏集

弟守相次登進士第

蜀麻府志作上舍釋褐舊

志選舉不載

以能文有學爲名士師友必於四方在家如處子

里巷人不識面未嘗謁州縣也

葉適胡夫人薛氏墓誌銘

盧祖舉字申之一字次夔號蒲江登慶元五年進士嘉定

中爲軍器少監權直學士院與閩人徐鳳並直北門時慶  
澤孔殷綸言沓布祖皋抒思泉湧號爲稱職工樂府詞意  
清遠字字可入律呂江浙間多歌之祖皋爲樓鑰之甥學  
有淵源嘗與永嘉四靈以次相倡和有蒲江詞一卷

舊府志湯

志

潘檉字德久號轉菴父文虎右科第一諸父文饒文孝文  
禮先後登紹興第文饒字明則學本濂洛尤爲多士所宗  
檉年十五六詩律已就下筆立成永嘉言詩者皆宗之讀  
書評文得古文深處舉進士不中第用父任授右職

葉過德久

詩

繼參戎幕召試爲閤門舍人授福建兵馬鈐轄其題鈞

臺云但得諸公依日月不妨老子卧林邱爲人傳誦嘗從使節出疆有北征往來所賦聲名藉甚著有轉菴集

禹姓統譜

舊府志

徐照字道暉自號山民嗜苦茗甚於飴蜜手烹口啜無時上下山水穿幽透深拾其勝會向人鋪說無異好美色也有詩數百斲思尤奇皆橫絕歛起冰懸雪跨使讀者變蹕慄慄肯首吟嘆不自已然無異語皆人所知也人不能道爾發今人未悟之機回百年已廢之學使後復言唐詩自照始惜其不及臻乎開元元和之盛也同爲唐詩者徐璣翁卷趙師秀照旣死師秀集常朋友殯且葬之在塔山林

額兩村間其詩名山民集葉水心誌其墓

舊志 徐

徐璣字致中一字文淵父定潮州太守由晉江徙永嘉任建安主簿麻溪峒民業鑄兵鷲鹽者官窮治羣捕因相聚爲逆多殺傷官軍州恐以璣將而往璣不用衆但命土人持榜告諭皆散去罪止三人監造貢茶其長欲取於數外璣正色曰此人主所以薦天地宗廟非臣下所宜得移永州司理兵官執平民爲賊冀賞璣明其無罪盡釋之丞龍溪縣城旁陂溉萬頃豪黨私以爲田陂浸壞璣按視疏鑿如舊移武當令改長秦令未赴嘉定七年卒年五十三初唐詩廢久璣與其友徐照翁卷趙師秀議曰昔人以浮聲

如響單字隻句計巧拙蓋風騷之至精也近世乃連篇累  
牘汗漫而無禁豈能名家哉四人遂極其工而唐詩繇此  
復行璣得魏人單煒教書法心悟所以然無一食去紙筆  
晚近蘭亭葉適謂書當自成體何必蘭亭璣曰不然天下  
之書篆籀隸楷皆一法法備而力到皆一體其不能爲蘭  
亭者未到爾非自成體也病垂絕忽長嘆言爭爭者數聲  
其妹撫之曰何爭張其目視曰天爭妹又曰天何爭復力  
疾大呼曰爭名也遂卒

葉適徐文淵墓誌

薛師石哭徐致中詩云

幾回行過松臺里不忍登堂不叩扁松臺里璣所居也  
周學古字會卿行己孫也兩薦漕闈不第遂息意場屋以

風雅自娛葉適序其集云周會卿與潘德久齊稱盤措生  
語有若天設德久甚畏之德久漫浪江湖吟號不擇地故  
所至有聲會卿常閉門里巷坊不相識居謝池窟山宅水  
自成深致知者獨輩行舊人爾子宗夷字景略爲鄉善士

孫如堅登慶元丙辰右科終台蒲令

萬麻府志兩  
湖名賢錄

戴栩字文子溪族子

舊志選舉進士  
作溪孫疑誤

登嘉定戊辰第爲太

學博士遷祕書郎出知臨江軍改衡州俱未赴久之起湖  
南安撫司參議官卒少師水心葉適得其旨要文章法度  
能守師傳詩與四靈爲近而刻鏤尤工其論聖學論邊備  
諸劄劄切敷陳不負所學胡知柔以爭濟王事忤史彌遠

謫赴象臺初賦詩贈行深致惋惜嘗論詩壞於衛宏之序  
春秋悞於公羊之傳易紊於三聖繫爻象象之互入書失  
於孔壁序傳簡編之相亂周禮特周公大略之書當時有  
未必盡行者識者是之所著有五經說諸子辨論東甌郡

要略浣川集

舊府縣志  
四庫總目

趙汝回字幾道太宗八世孫南渡後徙永嘉江湖後集嘉

定甲戌登第授台州錄事薛師石有送趙幾道赴台州錄事詩終主管進奏

院名重一時高興苦吟自成一家其詠橘花云春風過後

雪初白夜雨晴時水亦香詠水仙云屈原一點沈湘恨李

白三生捉月身皆爲詩家所珍從其學者多知名有東閣



吟藁

萬縣府志

薛師石字景石弼曾孫祖叔淵父浩提舉華州雲臺觀妻木氏待問女也永嘉之作唐詩者首四靈繼四靈之後則有劉詠道戴文子張直翁潘幼明趙幾道劉成道盧次夔趙叔普趙端行陳叔方者作而鼓舞倡率從容指論則又有瓜廬隱君薛師石焉師石襟韻疏曠卓犖有大志視寒生囊士思欲盡助衣食之困於力不給而止然猶經理整緝隨所有丐與之築室於會昌湖上敲榜擊楫日與漁翁釣叟相忘於欸乃之間已復酌古今談世務究奇正相生之變而推考八陣考及遁甲縱橫歛散其論高於人數等

蓋家學之傳遠有端緒師石又能錯綜而發揮之兼工小楷初授法於單炳文日經月緯已忽超詣識者歎其得晉人用筆之意紹定元年卒年五十一有瓜廬集

王綽薛瓜廬墓誌

弟師山字仁靜好讀周易子峻酒祐甲辰進士爲常德教

授亦喜吟哦工字畫雅有父風

曹廬瓜廬集跋

趙崇滋字澤民號竹所太宗九世孫父汝鑿寶慶丙戌中第通判道州崇滋少穎悟卓犖不羣母舅天台王夢龍器之授以所學登嘉定丁丑進士調嚴州司戶尙氣不屈每與守諍守降意下之趙與憲長版曹檄和糴浙右辭不行人贊其清同年生多居要津終不肯附麗以求速化工詩

善筆札每與到拂紙援毫頃刻數千言戛金玉而走龍蛇  
觀者神駭名重一時有過荆坑哭鶴步月諸篇膾炙江左  
子必稷必槐必杉俱登第必棻以舍選釋褐必稷終貴溪  
宰必槐由邑最陞歷太府簿司農丞知安吉州入爲金部  
郎以直祕閣知徽州能脩其官始終不掛吏議徙台州不  
赴卒必杉介特不肯詭隨終宣城宰

姓譜兩浙名賢錄萬  
麻府志宋詩紀事

謝夢生字性之少力學深詣與陳埴葉味道爲同志友由  
是所得沛然名重當時趙善得亟稱之以女妻焉嘉定癸  
未登第教授無爲軍辟淮西漕幹知上虞縣除武學博士  
遷樞密院編修出知安吉州召爲宗正丞兼戶部郎改祕

書丞知汀州以疾致仕弟挺之同登第終安吉州判

萬曆康熙

府志案選舉志是科無謝挺之

趙善得字季清少以恩入仕紹定二年登第歷仙居丞忠州判官性穎悟文思泉湧下筆輒千言嘗曰今人不能道古以胸次不如古人豈惟不能道古亦不能鋪今蓋有四難意難闊聞難廣情難寫心難公又云作文如下黑白子有眼者勝閱文如閱好山貴起伏多也子汝塗孫崇粟俱

登第

萬曆府志

李君錫字宗禹博綜經籍援筆成章尤精於禮寶祐文天祥榜登第歷官國子正太學博士諸王教授司農丞時禮

經自王氏倡新學訓詁皆穿鑿君錫學正而博由是擢太常丞遷左漕郎面對皆切時事除直秘閣終朝奉大夫有

雜稿

萬麻府志

潘希白字懷古號漁莊父斗建登嘉定第知徽州卒希白入太學有文聲登寶祐第幹辦臨安府節制司公事秩滿引疾不調德祐末起爲史館檢閱不赴早學詩於趙汝回復工樂府駢儷俱著稱於時卜梨柳塘極山水之勝著柳塘集一時文會名流咸集焉

萬麻府志姓譜

宋慶之字元積祖傳字巖老有鑒裁節操清苦爲乾道諸老所敬畏登紹興第終沿海制置司參議官水心葉適銘

其墓慶之學廣聞多文詞典贍有詩數百篇清新閒遠得  
風雅之趣登咸酒第監慶元府鹽倉辟浙東庾幕公車交  
薦未引見而卒著有飲冰文集

萬麻府志  
姓譜

林一龍字景雲在太學不就月書以求捷進登咸酒辛未  
第授紹興教授未久除史館檢閱遷祕書郎兼說書性直  
諒樂道人善工古文辭說者謂可闡葉水心之藩晚年徇  
佯泉石以壽終有石室文集

萬麻府志

梅時舉字舜臣剛介有守弱冠舉於鄉諸老器之精史學  
著通鑑新議剖析精微多前賢所未發

萬麻府志

陳聖元字道翁天資穎秀善聲律工駢儷早貢於鄉士類

推服築文峯樓與朋友徜徉其間賦詠自適

萬麻府志

元

姚樞字斗璿少聰敏博極經史過目不忘宋季領鄉薦元初絕口不言仕進隱居教授若將終身延祐間總管趙鳳

儀請分教郡庠從游甚衆

萬麻府志

黃石澗少有器局博覽經傳工舉業宋末累舉不第元初授徒學子雲集嘗謂學既不用於世不可無傳於後延祐間總管趙鳳儀延爲郡庠分教多所造就

萬麻府志

陳華祖字理常宋寶謨閣待制謙五世孫少聰敏通尙書於四子書尤多發明四方從游者衆經略使普顏不花李

國鳳至溫以遺逸薦授翰林國史院檢閱著有大學審明

中庸提綱

舊府志

孫華字元實永嘉人僑居華亭年十三郡守課諸生春陰詩操筆立就落句云柳花只在斜陽外不肯分明過小橋守大奇之誦經考史以博雅聞尤好岐黃家用薦爲醫學教授辭免戴折角巾衣鶴氅衣望山臨水步履翛然所居小閣列古彝鼎法書名畫焚香靜坐終日書非佳墨熟紙不作飲饌非精潔不食士非賢不與交卒年八十餘列朝詩集傳案楊樞泌故述作孫華孫元時以醫名於淞蓋亦託而述焉者程雪樓時奉命采訪江南華孫辭以詩有曰率土豈無臣語工而意亦深婉湯志亦作孫華而附此詩於傳後蓋以爲一人也據此則當入元不當入明矣



高守奎字應文宋衛武烈王瓊之後少穎悟讀書得言外  
意不錮師說古今世故靡不窮究生平有大志嘗曰春秋  
周官用則亂臣賊子懼而天下平又曰太公之興周諸葛  
之復漢誠亦畏天憫人耳又曰必用夏變夷安得斯人哉  
方明善據郡乃避地去文章感慨有茶齋集萬曆志

洪濤字元質至正間浙省右丞相李朵兒只奉旨命儒士  
陶凱韓大禮瞿宗奎與濤等同校勘大元一統志一千三

百卷並奏授教授萬曆府志

張天英字義上一字渠南酷志讀書二十年貫穿經史徵  
爲國子助教性剛嚴不好趨謁再調不就游浙西多居吳

下與玉山主人顧仲瑛相友善肆爲詩章尤善古樂府馳

驟二李間自號石渠居士

元詩選  
小傳

薛漢字宗海幼力學有令譽以青田教諭遷諸暨州學正  
始擬北郊制宮縣於杭衆推漢董務樂成驛傳上之大臣  
以太祝薦延祐五年待銓京國辟功德使授休寧主簿祭  
酒鄧文原薦留之泰定元年二月選國子助教四月大駕  
北幸用故事赴教上都八月還九月三日卒於居賢坊寓  
舍漢於古今制度名物創作變易年考月究無或有爽趙  
文敏號爲鴻識得古遺器書畫必令漢辨之乃定與司業  
虞伯生博士柳道傳友善其卒也二君哭之甚哀魯子輩

誌其墓稱其詩律書楷嚴積有法而慎慤不矜非雅交莫

克知也

元詩選小傳

著有薛象峯詩集

一名宗海集

按府縣志據列朝詩集薛漢下

有盧擊攷元詩選三集乃涿郡人詳辨誤

明

余堯臣字唐卿早以文學著元末客居會稽鎮越帥邁善卿參政呂珍羅致幕下與有保越之功薦署左司無意仕進於越之桐桂里治圃結茅署曰菜邁已而入吳居北郭與里中楊基張羽徐賁王行王彝宋克呂敏陳則姚廣孝爲高啟十友卽所謂十才子也明初謫濠放還洪武二年

授新鄭丞有菜邁集

明詩綜明史文苑附王行傳蘄州府志

林溫字伯恭博極羣經尤長於春秋年二十舉鄉薦冠多

士名動海內益勉於學

宋濂林伯恭詩序

至正十四年登進士第

授休寧尹尋補江南行臺掾迎其父邦福就養未幾御史

大夫子恣爲不法溫以親故忍未摘其姦日恆鬱悒不樂

父謂溫曰吾能安吾貧慎母以老身不行其志也明日溫

率同列謁大夫力斥其子之非大夫慙甚旣退溫卽抗章

辭職奉親還鄉改福建行中書省管句兼汀州路靈化縣

尹累陞員外郎左右司郎中階奉訓大夫

宋濂樂清縣男林府君墓誌

明洪武初元求江浙遺佚授秦王府長史典閩浙二省鄉

試宋濂稱其詩文本於氣之所養與世之學者自異著有

栗齋集弟常字伯庸從仕郎江浙儒學副提舉德化縣尹  
入明爲本府儒學教授亦以詩名

萬縣府志  
湯志

張著字則明博學工詩元末遊學至常熟道梗弗克歸學  
者爭師之舉爲州學訓導遂家焉洪武三年領鄉薦授虜  
施知縣尋陞臨江府同知

列朝詩集

所至有治績卒於官歸葬  
海虞著持行清謹鄉望甚尊其文醇正有則詩清婉所著

有永嘉集長安唱和集易經精義子規字運生學行能世

其家

蘇州府志

楊升字起宗洪武間寓瓊三十餘年通春秋善屬文當路  
撰述多出其手舉臨高校官後以老謝政與郡守王伯正

善嘗改瓊海方輿志文行冠於一時卒年八十八補

廣乘

金祺字原祺

案舊志作元祺

號梅窗其先閩人有劉贊者事閩王

延義以直言遇害家族改姓金避地温台間祺篤學孝友  
領洪武癸酉鄉薦除永豐教諭重修廟學九載升襄陽府  
教授丁內艱服闋改常州廟學傾仄剡奏上聞勸富室捐  
貲以助費有輦其規造佛殿之成材以構禮殿者友人黃  
淮爲之記召赴文淵閣點永樂大典有寶鈔之賜嘗三受  
聘幣典文衡辛卯陝西壬辰禮闈甲午河南士論歸之陞  
漢府紀善丁外艱歸初居雁池遷南禪湖顏其室曰還林  
書屋環居植梅數本從游者稱梅窗先生再遷南塘有湖

山之勝邑之鶴陽謝氏請主家塾祺慕相溪山水奇秀遂館其家四五載宣德乙卯卒於塾中年七十一著有梅窗

棗

介菴集金公墓誌銘

潘文奎字景昭號漁莊建文庚辰進士宣德初由左春坊司直郎陞府同知清慎寬厚有愷悌之德其文章詞翰爲當時所重脩國史七秉文衡陞福建布政司參議

萬姓統譜

王健字偉純文定公瓚次子溫潤篤學嘉靖戊子順天鄉試第二人登戊戌進士授刑部主事改禮部知制敕擢祠祭儀制二司郎中參定鐘律及調處宗藩章疏娓娓時論推之陞南京光祿少卿卒於官生平操履清謹詩文典則

雅馴尙論者稱爲金玉君子著有應制錄鶴泉集八卷

萬曆

府志

高應祥字默然道心古行績文種學有膏澤生民之志卒

困於時

唐順之高默然墓碑

少治毛詩兼通諸子百氏書弱冠遊庠

邑子弟多樂從游項喬張純皆出其門生平義氣邁俗睦

族卹鄰以貢授蘇州府訓導抵任病卒

張純紀遇集

周感字誠通號元谷端朝十一世孫通春秋髫年補邑諸

生善著論發揮性理語多獨造督學萬潮深器之領嘉靖

乙酉鄉薦再上春官不第卜棲元谷澹志仕進尋卒

康熙府志

陳鳴鳳號觀溟嘉靖歲貢博學力行卓犖負氣節好獎掖



寒士富於著述隆慶元年任宿遷訓導文學儒雅爲一時

最陞九溪教授著有鍾吾荆溪諸集

乾隆府志宿遷縣志

王應辰字拱甫號海壇世居五馬坊至應辰始徙蟾湖曾  
祖漢濱以尙義輸粟授七品散官祖輔宛平丞父翰鴻臚  
寺紀事序班生應辰於京邸聰敏絕倫髫年對客賦詩人  
稱奇童既補郡學生竟日下帷不問家人生業淹貫經史  
能爲古文詞尤工於詩爲名流所推許願屢試不第嘉靖  
辛酉以貢授上海訓導丁母憂未赴與王憲副叔果同修  
縣志丙寅卒年六十二應辰孝友天至廉靜謙和蚤歲肆  
力詞章晚乃遜志聖學於白沙陽明二家大端指歸日究

心賞因更號體齋子所著語錄有省言詩文有正情集簡  
淡集旨茗齋詩話論者謂其文宗秦漢詩則三唐於學無  
所不闕潛心理窟旁通內典其葬也叔果銘其墓

平山  
戴稿

戴賞字從善號金峯操行醇正博綜經史兄弟蚤世撫諸  
孤於己室以選貢歷惠州訓當陽論士皆矜式焉聘修楚  
粵通志惠州府志所著有惠愛錄玉陽錄侯一元銘其墓  
曰吾甌世有真儒乃今觀於金峯戴先生蓋庶幾鄒魯遺

風云

萬厓  
府志

洪孝先字從周以詩書畫名重都下張岵岵許雙塘余同  
麓何震川潘澄川爭折節下交岵岵開府浙江巡甌式其

廬辭以疾固請乃見終不往謁時高其風所著有雁池集

康熙  
府志

方日升字子謙始祖彬明初爲溫州批驗所大使由闔徙  
永嘉東門康樂里居焉孫祖安永樂辛卯舉人官刑科給  
事中五世孫元遇號東谷遺腹子道言字守信號思谷年  
十五歲饑散粟千餘石以食餓者嘉靖乙卯補諸生而卒  
年二十五李維楨表其墓日升其長子也少穎敏好六書  
之學能詩歌兼善書翰奕棊嘗兩謁王世貞金陵世貞贈  
詩稱其詩奕以高品方干目之尋入都門留三年見聞益  
博歸而欲著書會京山郝敬令永嘉擇有直諒多聞工詞

翰精八法者爲李太史維楨聘爲子師聞日升名則大喜  
請見爲束裝入楚維楨博雅富藏書其門人漢陽周士顯  
亦好小學遂大發羣籍授日升俾因黃公紹古今韻會舉  
要而補所未備字數準韻會字體音義準說文補音者十  
之二補義者十之六本子史百家者十之二本古經傳注  
者十之八會維楨起家入蜀入越已謫壽春日升皆從舟  
車萬里鉛槧不輟凡十餘年而書成名曰韻會小補識者  
稱其博洽萬曆丙午士顯令建陽刻之今傳於世子履泰  
次履易諸生從維楨游弟新善奕自有傳天泌山房集  
戴宗璠字瑞喬弟宗猷字瑞洲俱擅文名宗璠以貢授雲

和教諭按舊志選舉作龍游萬厓間與修温州府志宗璫

亦以貢歷任宣平錢塘學諭尤精詞翰著名吳中時人稱

爲二戴康熙府志

姜準字平仲博綜羣籍閉戶著書尤悉甌中掌故萬厓間  
聘修郡志不赴時論高之所著書二十七種擬陳眉公秘  
笈時稱良峯先生劉方伯康祉銘其墓同時有梅應期字  
昌侯爲盤石衛勲職讓爵與弟著書六十餘種郡守聞其  
名迎之不得乃託以朝聞道一章欲面受教益屬其弟迫  
之登舟遂就舟中草數千言以答鼓柁而歸終莫覩其面

康熙府志

國朝

梅調元字贊臣順治辛卯歲貢授龍泉訓導

舊志作雲和教諭誤年

七十九卒子爲梁庠生調元淹貫經史工詞翰萬曆戊午

與同里陳邦屏建侯等爲城南七子其後與林占春梅生

李元發子穎王爾椒子篤林健弱仙號永嘉五子所著有

露月軒詩集金陵遊草行世

康熙府志花萼樓集

林占春字梅生號雪菴居羅浮宏光乙酉選貢博學淵通

隱居教授尤工詩所著有輿志合璧月令合纂合山詩集

雪庵詩集詩餘甌江詩選

康熙府志花萼樓集

李世瑞字文五其先自閩赤岸徙柘溪再徙外沙世瑞幼

稱神童好學善談論負意氣多怪少可每試必高等而鄉  
闈輒蹶順治戊戌貢京師年七十餘卒著有甌山遺藁周  
天錫銘其墓

花萼樓集

趙紹鼎字昌言號雲汾宋秀王之後母陳二十而寡守志  
六十年壽八十終紹鼎博極羣書意氣豪邁順治中以貢  
入京師偕友人宦游南北所歷山川風物皆有撰述詩文  
尤闕贍年七十二卒有薄游詩稿周天錫銘其墓子之蘭

邑庠生

花萼樓集  
康熙府志

谷誠字次有質性奇敏好學工文詞曲阜顏光敏視浙學  
拔諸名士以誠爲首所著經義精微要眇卽諸名士高自

期許見誠皆帖然服困棘闈試以歲貢終至其隱居奉母

自守廉介尤不可及云

舊志參遜  
斗齋文鈔

林兆斗字天杓性穎慧好古其制義及古文詞無不淹博  
精貫著作甚富崑山徐健菴序其詩謂不在大厯下兼工  
書翰雅有三絕之稱時邑文廟圯兆斗倡葺夜宿學隸家  
夢一莪冠博帶者驚起燭之卧榻間一珉石乃朱文公像  
碑也因倡義創祠祀之康熙丙寅選貢入都王宗伯揆何  
給諫金蘭以西曹記室薦斗辭不就引疾歸杜門讀書吟  
咏自適卒年九十三世號九山先生所著有南竽初集續

集行世

府志



永嘉縣志

卷之十七

人物

文苑

三

翁應春字克生宋詩人靈舒之後博學能文尤長於詩詞以歲貢終著論癡符諸體咸備爲劫火煨燼僅遺益齋存稿與靈舒西巖集彙刻一編王思任爲之序

府縣志

徐凝字幼發別號丞子廩生性孝友高邁不隨時俗隱居大羅山刻志讀書生平多著作以家貧乏嗣散佚不可勝紀所存者僅得一百五十篇名泉村集雄博研鍊體極蒼

老

府志

林元桂字丹五少從史尊朱游學問醇茂康熙己卯庚辰聯捷進士授懷柔令尋歸寄情詩酒所歷名山勝地率多倡咏弟元植甲午舉人南豐知縣

府志

洪勛字麟士博學善文詞雄深刻露一文出罔不膾炙人口督學顏學山見而異之曰此章羅復起也與谷誠並駕一時康熙乙未登會魁任會同令不數月解組歸讀書自若寒素不異平日授徒百餘人出其門者俱有文名府志

蔡宏勳字銘士號食硯逸民善詩兼工書畫擅名一時以諸生老所著有雪齋集府志

徐宗穆楓林人諸生天性孝友淹貫古今勃窣理窟著學庸圖說窺見閭奧人目爲乾嘉間宿儒周藕農潘虹橋兩先生爲之敘今遺藁散軼惟孝子林龍傳天人性命賦龍母吞卵辨諸篇間有存者皆有開名教詩亦豪宕其吳越

懷古云吳宮月落猶酣舞越國鷄鳴已早朝西征云馬嘶  
芳草風生磧雁帶胡霜秋渡河皆可誦也

採訪冊

潘宗耀字繩祖號虹橋西溪崑陽人徙居城南生有殊姿  
九歲解吟詩作文嘉慶辛酉由選拔中式七上春官不第  
丁丑大挑一等分發江南南河丁外艱歸道光元年服闋  
復赴河工五年借署丹陽縣丞尋署丹徒知縣凡有訟者  
隨時訊鞠案無留牘命盜重情尤加謹焉冬請假葬父畢  
旋赴吳門明年補江浦知縣未任卒年五十性喜吟詠雖  
簿書鞅掌未嘗廢輟疾革時猶手錄春陰詩命補入稿所  
著有五棣一研齋詩鈔六卷

子鏡霄  
撰行述

弟宗瀾爲刊於武林

宗濶號少湄道光乙酉拔貢著有補楸帖研齋詩鈔未梓

採訪

冊

陳遇春號鏡帆嘉慶中廩貢敦孝友劬書樂善孜孜如不  
及嘗督修中山書院新雙忠祠建本支宗祠修歷代祖墓  
歲饑減田租施棺掩骼以爲常永邑距省垣千里寒峻艱  
資斧輒裹足遇春自嘉慶壬戌倡議集捐賓興旅費二千  
餘緡權子母以扶助之通詳各憲立案名曰文成會蓋其  
志力堅定久而獲濟後人踵事績增遂成巨款皆其創始  
之力也又呈請學使復歲科分試舊例邑人士至今感頌  
不衰歷署學篆奉檄所至輒倡義舉罄清俸如捐置於潛

童試坐具創秀水賓興事例名曰登雲局修壽昌大成殿  
建文昌三代祠大修麗水文廟備祭器葺圭山文昌閣修  
復枯蒼北鄉古道時年踰七十矣每集一事必爲一文以  
紀之其建半塘亭記謂余非敢爲益於人亦非悅於人也  
蓋生平踐履篤實有功文教類如此能爲古文辭尤留意  
鄉邦文獻所輯有甌括文錄華蓋山志略護國寺志異詩  
郵籤倡和集其所自著有溪山吟稿雁山遊草文成紀事  
註金剛經淺解梧竹山房文稿端木國瑚梧竹山房文稿序七十自序採訪冊  
黃漢字秋明號鶴樓性孝友不苟取與穎悟嗜學家貧傭  
書自給旣而棄舉業幕遊四方北歷山左平原南至江右

廣南粵東所在輒搜閱志書見事涉吾甌者筆記之久而  
成帙名曰甌乘補其在潮州郡幕一日偕同輩至長潭山  
亭弔明季殉節林丹九孝廉各賦詩歌紀事又爲立祠祀  
之咸豐壬子冬卧病夢孝廉授以二木覺而異之病亦漸  
愈次年遂歸所著有貓苑夔雲草堂詩集及甌乘補二十

卷子玉符諸生

採訪冊

張振夔字慶安號馨庵永嘉場人嘉慶戊寅舉人道光丙  
戌大挑一等改教諭振夔幼慧喜讀書志操特異居京師  
所親某謁選在都有相識要人趣一見振夔不可獨與青  
田端木國瑚瑞安鮑作雨以經術相質正初攝常山訓導

三才圖會卷之二十一  
三十一  
繼攝鎮海教諭以外艱歸服闋復任鎮海越五年庚子英  
吉利犯定海振夔常以籌海諸要語鎮海千總葉舞墀又  
私爲海上戰守策會江蘇巡撫裕謙統兵至或持策稟以  
獻謙異之用所薦葉舞墀募水勇而令振夔監發軍食尋  
移督兩江及再至陔定海入鎮海振夔亦棄官歸矣寇退  
大吏復以鎮海諭還之旋移疾歸所居濱海多潮患振夔  
謀於場使陳泰華督民築輓塘南起天馬北抵黃石絲亘  
二十里復於內河要衝建牖以時啓閉民賴之戊申掌教  
東山書院時書院嬰堂恒產爲吏胥侵蝕乃請於巡道俞  
樹風設清釐局得增歲額倍於前其他議團練議鹽筴議

水利義倉皆平實切利害可見之施行益其學務實用類  
如此卒年六十九所編有樂清縣志十六卷張氏譜十二  
卷所著介軒詩鈔十卷文鈔八卷外集二卷皆行世子碩  
字小磬廩生能世其學

遜學齋集張先生墓誌銘張碩磬庵府君行述介軒文鈔

周衣德原名灝號藕農書堂巷人嘉慶丁卯副貢己卯順  
天南元貫徹經史文如湧泉時人謂之行書廚先後居京  
師十九年以貧故常斷炊盧相國蔭溥耳其名館之敬禮  
有加顧淡於榮利性耿介不合時宜會棟發湖南知縣甫  
至謁上官輒以書迂目之改教職歸課徒自給年六十四  
無疾而終著有四書講義研經堂文集

採訪冊





隱逸

昔儀封人晨門皆賢而隱於下位而夷齊虞仲則國君之子也柳下惠魯之大夫也孔子皆謂之逸民然則古之所稱隱逸者何必韋布之士邪自後漢書始傳逸民而梁書改稱處士晉宋隋唐宋金元明諸史並稱隱逸然如武攸緒賀知章之流並載於篇則猶古之遺意也郡邑之志體殊國史凡名仕而實隱者別其名曰介節於是隱逸一門皆韋布之士矣舊志託始於張文君而文君爲樂成高士見永嘉郡記何无咎亦著籍樂清具載樂志至若蔣湛徐必友輩皆非永產而皆著於錄借

才異地義無取焉今敘載必求翔實大羅山之陽有隱君子焉則託始焉爾鄭泰臣康裕卿之流往來公卿間皆負盛名而卒馳歸故里終老布衣超然塵壒之表其它名德弗曜代有逸人於竹中高士又何多讓焉

唐

劉沖隱居大羅山人稱其所居曰廉讓里秀才洋君子山

萬曆府志

五代

嚴永初仕南唐歷顯官一旦避地歸藏衣冠於平陽青華山穴中爲人傭作以自給吳越王物色得之永不得已於

穴閒取衣冠以爲己復遁去不知所之士人名其處曰巖

公巖

十國春秋

宋

鄭賡字泰臣游京師見知於杜祁公范文正公款待甚厚

一日思親遂辭歸趙清獻有贈鄭賡高士詩今永靈門外

湖中蓮花莊世傳鄭先生故居也

萬麻府志按舊志作鄭泰臣今據趙清獻集

知卽賡也

周侃行誼表著真宗召之不起郡人名其巷曰招賢坊終

護國山中

萬麻府志

朱聳字合甫

謂作朱聳字介甫舊志山

隱於江北合山

按

川正作聳經籍志作贊非

人肉懸處

山即羅穴巖以居作合山游數千言號歛子著隱清堂

集郡守周延雋數問餽不受

萬麻府志

方煜字聖時父端以文行爲歐陽文忠公所器重煜生未  
晬而孤力學篤行敝衣糲食處之裕如自號愚迂翁其友  
朱敏功贊之曰顏子之愚仲尼之迂旣愚而迂期名不遠  
大觀初詔求行誼之士郡以煜應選固辭不就

竹軒雜著  
浙江通志

萬麻府志

周彥通佚其名用父豫司封員外郎集賢校理恩當補官  
避匿弗肯出父歿資產一無所取蕭然獨結廬於謝公山  
之側居常蔬食不與俗接鄉閭傾慕推爲隱君子焉崇寧

四年卒年五十七周行己銘其墓

浮沚集  
萬厓志

宋之翰字邦憲號五休居士有潛德郡守至常先咨訪張九成尤加敬慕年九十六卒子孫三世登科

萬厓  
府志

潘朝卿字春卿以子雷煥貴封承事郎嘗與秦檜子熺同受業於陳少南鵬飛及檜得政熺欲其附己朝卿不從亦終不第嘗會撮古今爲書號經史事統晚好讀易日課一卦室以蒙名齋以復名堂以視履名園以觀頤名紹熙元年卒年七十八雷煥乾道壬辰進士孫子順陳止齋壻也其卒也止齋銘其墓

止齋  
集

宋希孟字鄒卿儀容端飭平生姓名不懸符牒足跡不履

官府安於畎畝人鮮知者葉水心有序銘

萬麻府志

何傅字商霖居墓林巷自號墓林處士為人潤澤詳整對客爲清遠之言以有財爲累而以貧賤爲得以卽死爲可足而無憾釜爨常空而意氣悠然人亦忘其爲貧也嘗大雪道無行人與同巷朱伯魚訪葉水心遂登郭公山富覽亭之故基以望江北雪驟甚兩袂皆積水心不能忍寒飲酒而下傅獨傍城隅度橫約徬徨折葦之間昏夜乃歸蓋能不以非義干其慮而有凍餓自守之樂斯亦士之極致也少攻詩竟以成名卒年五十七其友翁忱歛之

葉適墓林處士

墓誌

李伯鈞字仲舉柘溪人所居中洲四絕水陂匯深緩草樹多細色敞爽宜遠望舊名蒼墩十世祖曰岑號蒼墩先生父嵩分靈縣尉伯鈞外文內質以義理勝血氣鄭景望薛士龍引爲親友曰不幸而仲舉於世之味薄斯人者豈以章句限之所謂不可小知而可大受也得官監慈谿酒恥之曰吾何忍誘飢民捨其糠覈而遁於醜糟耶謝不起年四十餘卒子源字深之爲兒不嬉戲寡言笑常整飭無情容不醉飽於物有瘠渴疾未嘗離書曰吾師也疾憊惟燒香曰吾友也與葉水心友善亦不仕

葉適李仲舉墓誌

鄭純字全真雅從隱君子游門牆峻甚嘗以白眼視天下



士而操行極高爲薛常州葉文定陳文節胡少賓諸君子所引重其歿也高宰爲之買田以贍其後水心先生詩曰鄭生在日常無食身後恓惶亦可知郭象有緣天付與新租滿碓不言飢可想見固窮之節

水心集止齋集浪語集既海軼聞

元

潘養頤字正卿自束髮卽好讀書經史百家語無不得其要領嘗曰科舉法行理學不明將何以深思實踐而盡修齊治平之道哉識者以爲格言隱居求志視聲利淡如遠近咸敬慕之詩文典實詳贍有集若干卷

康熙府志

明

王湖字崇泗少聰敏博貫經史工詩文性恬淡端恪不慕榮進一室蕭然晏如也張少師素重其人及入相屢欲徵辟之以母老力辭居鄉聚徒講業一時名士多出其門郡守李廷觀延爲鄉飲賓再請辭不赴敦行嗜學耄耄不衰所著有樗散稿筆記萬縣府志

虞世暘字舜治治春秋博洽精研聲藉庠序有司凡有撰著必以屬督學屢加優獎晚棄去場屋以矩矱範後進言動有則學者嚴憚焉郡屢延蜡賓辭不赴杜門吟咏以壽終著有方樓彙稿舊府志

朱邦采字民貞號樂山自少聰穎有聲庠序間張少師異

其才以女妻之奉例貢入太學世廟時以博雅詞翰聞徵授鴻臚丞侍直經筵值少師柄國引嫌不仕士類推重焉

康熙府志

周文美字才甫號雁川嘉靖中以詩鳴家故貧客游江湖以文酒自適喜畫梅每對客酒間命筆殊可人意又自爲詩其上詩才亦秀逸南都士大夫能詩者皆樂與之游隆慶辛未游青溪社所爲詩具載社稿中又自編其詩曰雁

川集

宋孟震玉詩話

康從理字裕卿好客任俠倭寇起海上偕劉將軍子高入吳間關兵革間瀕死者數四子高謝之終不肯去子高拜

大將建纛毗陵幕下土日衆從理乃辭歸金陵子高病思  
見從理馳赴與訣經紀後事扶其柩至武林遠近皆義之  
故人朱海峯遠宦病革猶張目視從理乃撫之曰君勿憂  
遠道歸櫬此吾事也乃瞑從理跋涉水陸以其喪歸同里  
王叔杲赴弔相向慟哭再拜謝焉嘗居京師數年南還買  
山珠浦病卒叔杲治木殮之伐石表之曰康處士之墓詩  
多散佚太倉曹子念往哭其墓刻其詩曰二雁山人集列朝  
詩集明 侯一元爲之序  
詩綜

林蒙字彥均嘗蓄一鶴自隨因號一鶴道人先世居江北  
羅浮里爲邑著姓蒙藉祖父業善經紀待人不失和氣有

犯者直受弗與較性樂施有急輒周之晚務韜晦累歲不涉城府於所居後園構小樓寂坐其中客至無貴賤必與飲盡歡而止日以爲常勢利之心泊如也其卒也王憲副

叔果銘其墓

半山藏稿

謝敬撰字邦修少工詩文徜徉鶴陽山中絕意進取朱蕩南慕其人嘗與酬唱值倭寇突至生平最愛一琴攜之而去此外絕無繫戀其高致大率類此

康熙府志

劉康社字幼安工古文辭詩歌與何白邵建章頡頏詞壇壯歲棄諸生薄游吳楚性豪岸諸時貴咸折節下之晚從滇黔歸築南軒自娛蒔花盈砌引酒獨酌以此終其身遺

稿散佚存者可二百首

康熙府志

戴邦翼字伯翰少負氣與同學林夢祥均棄諸生茹素佞佛流覽藝苑以詞翰名於京邸晚築小樓稽山下吐納江

雲烟樹扁曰晨香自號雨花居士

康熙府志

周道麟字瑞生少聰明補邑庠生明季屏居白巖山中負薪行吟絕跡城市有古隱君子風尋以疾卒

康熙府志

陳應聘字汝尹具至性事二親以孝聞弱冠名重費序負才不遇遂遨游湖海所至名山大川必有記詠晚年閉戶著書有萃山集中寰集傳於世生平行誼最飭有古人風壽八十屢舉介賓不赴其先世由明經起家以齒德舉大

賓者七葉蟬聯郡守陳公相表其門曰世達尊

康熙府志

王應鐘字仲律嘉靖甲子試秋闈不利偶涉武闈擢高魁棄去仍爲諸生後授密雲訓性傲不善事上官游京師精璇璣玉衡元圭秘旨一時名鉅周公瑕王百谷沈蛟門屠赤水俱折節交之贈以詩歸隱松臺側子孫以縹緗世

其家

康熙府志

黃宗揚字士昭郡增廣生博學篤行以孝友聞世居夏仙正奧閉戶著書屏跡公庭明季山寇蜂起相戒不犯其廬御史王元曦徵求處士府縣官交薦之旌匾曰敦俗移風所著有坦園詩集行於世壽八十二

康熙府志

國朝

王家琦字奇玉號湛因太僕少卿瑞柎子也年十七補弟子員讀書敦大節篤友義同邑孝廉楊一完本戌籍未遇時忤所隸弁搏執無所容家琦力救得免泰順周家偉挈子弟就郡試與奸胥夙隙誣致於理家琦言於官爲懲胥而釋周末幾二人皆鄉薦歲丙戌父旣殉節遂棄制舉業放浪山水間或走筆爲古文詞纏纏千言旁及醫卜星厓稗官野史流覽耗日或從高陽博徒游益意有所託非苟焉爾也順治庚寅卒年四十一娶中丞大學士李光春女生子聲字公馨諸生次公撫爲弟家琦後

季象坤  
射菴集



周天錫字懋寵號樗菴中丞應期長子也康熙歲貢學問淵博至性過人侍父里居十九年與弟天鏡周旋門內外備極艱瘁丁父憂哀毀廬墓屏跡山居幽咽悲憤一於詩歌發之〔荆庵集〕又自國變後謝絕人事惟以著述自娛而尤

以敬桑梓徵文獻爲首重所編有慎江文徵獻徵文類詩類敬梓錄等十五種又有問古文編詩編等十三種其所自著有周易本義翼凶書翼注統名花萼樓集計三十七種子四長濬長演皆諸生〔孫勸冊〕

周天鏡字昭如應期次子少聰敏餼諸生中二十年志向淡遠嗜乾竺之學將入成均遽投牒引退徜徉山寺焚香

袁茗作無生話自號非臺居士周茂源韓則愈諸公深相  
引重值變亂避地仙巖無疾而卒著有半隱齋稿

康熙府志



永嘉縣志卷之十八目錄

人物志六

義行

舊志獨行并入七十六人附七人

晉 俞 僉

宋 吳 轉

丁 瑜

劉元長

石

礪

元武功

盧

璿 補

薛

開

元武功

吳 康

劉

愈

子士儂元獨行

薛

洽 元獨行

顧

仲

丁顯

蔡執中

陳

熊

徐 鉞

何 達

元 徐似孫

明 王 仁

黃

性

補

徐汝睦

補

吳

亨

李

福陳進安補

項士武

弟士斌補

王思昌

補

陳銓

補

王延

呂斌

奚庚

何淮

王由

王鉦

補

孔銘

周紬

鄭瑞

王價

李階

補

丁輝

補

葉養正

補

邵曉

項耆壽

補

林瑞南

補

陳淮

林思建

王至亮

王至充

梅光宗

葉棗

元獨行

朱浣

元獨行

陳植

元獨行

孫滄

鄭奇

周尙文

補

謝包京

包國隆

朱天佑

劉應兆

陳遴

王乾亨

徐應寵

高應召

朝國

馮國英

高繼晟

滕有盛

張瑞煌

張兆龍

元武功

曾紹禮

續

谷廷桂

張昌祚

孟瀾清

子錦城

曾佩雲

弟喬雲

謝欽棟

朱嘉文

陳承暄

嚴思聰

葉品金

胡見喜

王心一

梅宗昌

藝術

舊志方技  
三十五人  
附十五人

唐 蔣直

宋 葉谷

毛信卿

劉拱辰子

馮一德

補

郭楚望

補

林君奇

補

馬宋英

釋仁

戴 燭

湯志  
補

永嘉縣志

卷之十八

人物

藝術目錄

二

元

劉資深

王振鵬

夏迪

明

金子性

徐孟彬

補

陶與讓

祖景齋陳時  
時子蘊璧補

謝廷循

元文苑  
方技

陳謙壽

鄒寅

林應龍

補

袁遷

補

包厥初

張鳴鳳

包容

元文  
苑

黃燦

柴浩

虞仇

方日新

補  
中

林希遜

翁朝縉

張德源  
蔡偉節

谷宗綱

弟宗  
伊

孫爵

王至  
健

邱一龍

補

國朝

項維仁

續

季觀樂

市井七  
子附

童中模

寓賢

三十七人

漢

梅福

晉 郭璞、吳超

梁 陶宏景元仙釋 蔣湛元隱逸

唐 孟浩然 羅隱

宋 趙抃補 洪芹 馮成 高世則補

洪模 陸游湯志補 徐定元 文天祥

杜濬湯志補 謝翱補

元 黃公望

明 蔣允汶元儒林 徐宗實補 文徵明 侯一元湯志補

陳良楚湯志補 何白元隱逸 李光春補 易應昌

顧錫疇補



朝國

朱

衮

補

張才用

王復禮

依府志補

朱彝尊

孫擴圖

湯志補

袁枚

續

方天葆

鄭兆麟

梁章鉅

湯璣

永嘉縣志卷之十八

人物志六

義行

利人曰義利己曰利利必有害而義無不利古今之通訓也儒者出而爲國則以義正萬民處而在鄉則以義澤萬物功有大小遠近之不同其爲義則一而已矣永嘉自晉之俞僉其行誼著於國史及宋明以來流風所被接迹而興雖市廛田舍之人皆知敦行尙義以有聞於世况通經學古之士乎今仍舊志略以耳目所覩記補其所未備焉

晉

俞僉郡吏也孫恩之亂永嘉太守司馬逸之被害妻子並死兵寇之際莫敢收藏僉以家財冒難棺斂逸之等六喪送致都葬畢乃歸元嘉中老病卒

南史張進之傳

宋

吳轉以巫祝農桑爲業五世不分爨歲推尊長男女各一人主內外事大小三十餘口均給焉

萬厓府志

丁瑜世元孫昌期從兄以樂善好施聞於鄉有君子長者之風子如其父弟如其兄子孫世守鄉黨所法而瑜尤長

厚見周恭叔朱元晦集

姓譜萬厓府志

劉元長

案萬縣府志云安上從父今攷安上字元禮則元長乃安上兄弟行疑卽安仁乃安上弟

少孤

事母兄孝謹有欲異籍者輒賦鴻雁詩以動之歲祲穀踴貴元長獨平其直鄉價爲之不高營義塚數十壠比歿周

恭叔銘其墓

見康熙府志按今浮沚集無其文

石礪字商老州學生宣和間方臘連陷州縣郡守貳將棄城走教授劉士英奮身議守推礪爲謀主學掾盧璿及邑義士丁仲修周承己婁淵潘守真林懋包汝諧周千己張銖王三錫趙子昭陳彥忠邵振謝勳夏元王全張承誨姜堯臣趙資劉輔徐康之潘蔚李智李元丁仲恭葉瑛呂奉趙梯等佐之治兵儲糧籍保伍分地爲八隅委官統率又

置戰艦五十餘分屯梅奧白沙與賊堵禦越五十六日王師至賊乃遁已而臘黨俞道安自樂清進攻郡城礪復與士英創立戰具郡將張理暨丁仲修周承己婁淵潘守真等慨然迎敵力戰俱死賊亦敗去事平賞功士英通守太原礪辭祿不受以布衣終鄉人高之

宏治府志

淳祐八年勅封

英佑侯子仲達登進士第廣德司戶

舊志

盧璿字道衡秘監之子家宋奧爲郡學掾宣和間佐教授劉士英部署兵糧奮義協忠守城禦寇卒膺封冊列祀典

淳祐間勅

封英惠侯子葦

譜作

孫汝弼曾孫雯元孫永年皆入進士

第

王叔果牛山葦稿書盧氏族譜後舊府縣志

薛開字彥明徽言族子少喜讀孫吳書宣和末俞寇猖獗  
開與兄閻閔及閻子居實叔謹言謀白郡將預計守禦弗  
聽乃與里人鮑若雨包汝諧議鳩財積穀陰合里中少年  
族中子弟授以兵器分地自保時教授劉士英與石礪晝  
城爲入界率義兵以守之開自與閻守城南之西隅而使  
居實總其綱寇至攻永泰門肉薄而登居實發弩開擲槊  
謹言奮槌斃其先登者寇氣懾而退開復簡精勇數十人  
夜縋城下斫其營寇驚走自相蹂躪死者不計其數遂棄  
寨去事平口不言功鄉人高之

兩浙名賢錄

吳康字宜叟登紹興第行誼卓異林季仲貽書云引失囚

之罪歸己推獲盜之功與人古人不難到矣負亡友遺骸趨數千里歸及汴河有同行死舟中匿之治食如常登岸而後發喪仕至福州通判晚年沖養深靖茅檐不改終其

身

萬厝府志

劉愈字進之相溪人幼篤學四十棄場屋學於浮屠號無相居士家豪於貲輕財好義焚券已責不少靳紹興庚午大饑民將流亡愈雇令平治險道不足以其家山林縱使樵賣不足以砧基簿貸米於官足之比及秋穫自償也甲戌復饑民相誘爲劫縣尉不敢前愈單馬至下渡潭呼其首鄭重開說衆悟且慚曰昔劉居士救我死不可違也遂

散去隆興壬午癸未大風甲申大旱草根木實俱盡愈亟  
入匭函乞發常平賣度僧牒轉糴他州詞甚哀痛上大驚  
曰溫州荒耶此何人者能爲朕言時太守袁孚代歸詔令  
復還以愈書付之悉如其請前後三大饑相溪之人得團  
聚生活者愈力也溪有石障流大如兩楹屋號石敵舟行  
多覆溺愈與鄉人陳常累石障之水別行乃免自菰田至  
潮際捕魚者多架木爲摠雨暴集則舟泊不敢動愈爲白  
縣皆撤去溪流遂安州賣鹽七十四萬八千餘觔吏以一  
徵二日較月比民不賴存愈遣子士直偕鄉人王大充訴  
於監司臺省得罷增數者十餘萬觔愈曰是何足以寬民



遺甥盧緯偕士直復言戶部爭六年不已會州人龍圖閣  
學士何溥在朝爲主張是得減年額二十五萬餘劬盡罷  
下戶科抑而上戶所出亦輕矣乾道二年七月朔卒年七  
十一有詩詞雜著一編內治詳覽一卷六子五姪皆樸靜  
重訥幼子士偲字子怡方實詳審時然後言羣推爲鉅人  
長者愈所欲行奉命恐後士偲子曰公億時人爲之語曰  
入杓溪不見劉進之適樂成不見賈如規是浮洞庭不嘗  
橘也浪語集劉進之行狀水心  
集劉子怡墓誌萬厯府志

薛洽字子周強立曾孫入太學所交多名士會齋舍疫作  
鮑粹然疾尤篤同舍皆棄去洽獨蚤夜與俱治藥餌三月

乃愈粹然每告人曰子周生我登清熙第通判邵武軍

兩浙

名賢錄稿

麻府志

顧仲丁顯與曹林二姓皆居城中建議約八十餘家每家  
日出一錢旬日一收推一公平人掌之遇鄰里病者給一

貫供藥餌亡者給二貫辦棺槨人甚德之

萬麻府志

蔡執中年八十餘性好善不求人知周恤貧乏所濟甚眾

紹熙中郡守孫楸禮以羊酒

萬麻府志

陳熊慶元六年秋垂穫雨滂田在水下郡守毛憲憂之熊  
與其子請速決埭願自備財力償築許之集丁夫一鼓而  
決稼無損復請傍茅竹山址勸建陡門分流泄江遂免決

瘞之患

萬厓府志

徐鉞字武叔父儿自號休休翁鉞慷慨急義後進有不善或面折不忌人皆畏之及羣居賦詩飲酒無少長咸與傾倒襟度豁如也乾道辛卯郡大饑米斗至五六百錢守丞諱言災鉞獨以書抵朝中舊知言之丞相以聞孝宗曰永嘉樂土何可使至此趣罷守丞卽命出浙東常平米賑濟之

萬厓府志

何達好義輕財親朋貧者賑之死而無歸者葬之食客日數十人歲艱貰貸不吝鄉民賴其惠有訟不之官得一言而釋人稱長者子謙尤輯睦得衆心

兩浙名賢錄萬厓府志

元

徐似孫字若孫號肖梅定之孫景炎元年自雪川倅還里  
爲帥幕參議官元師至鎮守劉萬奴說元帥哈喇岱屠城  
以蓋棄城之過似孫力爭獲免因乞禁軍馬入城從之以  
家之柄爲安撫使似孫副之萬曆乾隆府志

明

王仁字壽夫

案一作壽夫

好義樂施嘗踏雪登並梅樓四顧炊

烟不起者輒遣人問饋不計償人因名其樓曰望烟樓歲  
饑輸粟五千石元時檄召爲提舉不就明興吳元年登賢  
良方正科兼元前官授壽州提舉卒於官五世孫瓚官禮

部侍郎

萬厓府志

黃性字思恭號靜菴宋御史檢法衮七世孫曾祖南一元明正書院山長祖應發松陽教諭父通性操行清潔方國珍據溫台署官屬性裹足不出內弟王時中孤寡資遣就學後授官坐事當籍沒有司以同籍併沒性家性至京始釋歸閩中陳興祖與性善客死永嘉性歛葬之盡禮喜爲詩不事雕琢年九十齒落復生步履強健宣德六年卒年九十三妻王先十年卒年八十六子二長濟庶出次淮少保大學士自有傳所作詩文有靜菴集八卷

明文衡楊士奇黃公神道

碑

徐汝睦楓林人兄弟八人睦行七與弟汝八樂善好義洪武初派鄉兵戍樂清蒲圻瘟疫大作罷歸鄉中傳染幾遍睦親以錢米徧給病家之貧乏者如此月餘全活甚衆鄉人德之以其大宗次第十七咸以十七佛稱之

採訪冊

吳亨字惟嘉嘉會里人表臣八世孫兄惟安早卒奉嫂氏惟謹擇婿嫁其女友人沈宗潛貧病延醫治之朝夕弗離及卒爲躬治喪葬亨自奉儉約教五子皆有成立築室扁曰西湖書隱詩名竹菴集正統戊午卒年七十七黃文簡

銘其墓文簡子棐其壻也

康熙府志介庵集

李福字彥辰號靜菴厚重慎密趨人之急樂人之善一本

於至誠家饒於貲屢充糧長委督賦稅福戒諸子毋過取以病民毋後期以取辱鄉里稱爲善人中年屏家務隱居南湖別墅莪花竹課耕稼徜徉山水之間如此二十餘年正統元年卒年七十七子九四子廣以舉人任連城教諭同時陳進安字宗逸宋輿人亦以家富充糧長戒諸子曰糧長之役因循則怠事掎克則斂怨惟公惟勤庶克允濟又曰陰德無奇事但順天理而已聞者韙其言

介菴集

項士武字汝毅泉川里人祖公珣善治生貲甲一鄉元集賢院錫號賢齋處士士武家隸漕役又督里中糧稅多至萬石長官稱其能永樂甲辰大饑設糜粥食餓者全活甚

眾獻義塚地三所歸於官晚歲名其堂曰怡壽郡守何公  
文淵選耆老以教導鄉民士武與沙城王怡靜首膺是選  
宣德甲寅卒年七十第士斌字汝質洪武丁丑以富戶人  
才舉奉使徵四川逋糧以廉能稱晚年名其堂曰怡老正  
統己未卒年七十三與兄士武合葬大羅山黃文簡銘其

墓

介菴集

王思昌永嘉著姓父希文樂善好施鄉里稱長者思昌善  
承父志嘗出穀三千斛建義倉於鄉郡守劉公謙邑宰周  
紀上其事朝廷遣行人范鼎賜璽書旌其義復其徭役三  
年郡邑爲表厥里宅屬鄉之耆艾司出納焉思昌又於倉



之旁近立義塾以教鄉之子弟構屋通道爲客旅止息捐田畝以贍宿頓諸費上下三渡各造舟濟之平生好讀書至老不倦薄於自奉而見義勇爲黃文簡爲作義倉記介菴集

陳銓字叔權號愚菴涉獵經史尤精算法賞不甚豐而好調卹人有急探囊與之無所靳嘗抵錢塘見有溺水者命舟人拯救解衣酬之著有自怡集嘗言不悖天理不麗國法不獲罪於親戚鄉黨吾願足矣正統辛酉卒年六十八遺命毋用僧道介菴集

王延以利濟爲念嘗曰散財濟民其利有限可以長久者

惟古之義倉而已得人掌之其惠無窮也於是置倉貯粟

凶散豐歛事聞旌爲義民復其徭役

歐江逸志

呂斌字是質富而好義成化丙午歲饑代輸通都戶口鹽米嘗於海壇造舟濟渡仍勸館舍以憇行者他若建石奧東岸上塘大壩接等橋及治樂清館頭塘路凡費千餘金

又出粟賑饑宏治辛酉詔旌其門

萬厓府志

奚庚字以明塾師歿爲營葬武弁裔不能襲職資之施棺

施茶歲以爲常

萬厓府志

何淮家世饒裕好義樂施里有舉女者必遺以帛道拾數十金候還其人不得捨於寺入城市木聞婦哭甚哀趨

問乃負債莫償者盡以市木金代償焉宏治戊午饑出粟數百石貸鄉人已而悉焚其券及掌鄉賦復值歲饑代輸本都鹽米時疫繼作則倩醫施藥死則具棺槨凡利人事

無不為之以壽終萬麻府志

王由案王元美樵雲翁傳由字秉璠英橋人毓之子偶儻作墜是也今姑從舊志

仗義有古烈士風景泰間章恭毅公官儀制郎疏諫易儲逮詔獄窮治嚴急由適以陰陽正術就選京師力為周旋及歸復留一僕與十金侍公仍畀僕田四畝卹其家及公南還未抵家而先造由廬以謝由工詩詞所著有效顰集

章恭毅為之序萬麻府志

王鉦字九思毓之孫英橋人也築室谿橋號谿橋翁封暹  
政使英橋鄰壤五都皆瀕海地鹵宜鹽置場以權之其後  
有司重以折色之徵鉦謂竈地半坼於海民輸其有已不  
贍而重以折色是責米於盆缶釜鑊之間非其出也爲書  
具言竈民所以窮迫不堪重賦之狀甚明切以上於朝天  
子覽而憫之下其書浙東均折色於諸縣之不爲竈籍者  
五都之竈民得以無徒死嘉靖丙申卒年八十七五都之  
民祀之於社娶張少師孚敬之姊子三澈激沛孫叔果叔  
杲皆自有傳

王慎中封通政  
司王公墓誌銘

孔銘字景新其先闕里人宋紹興間遠祖遷占籍於溫銘

幼以孝友稱比長益謹後郡舉爲耆正有所委勘必期利民捐資築鄧公塘行旅便之正德中入粟給冠帶人稱爲

孔老佛

萬厝府志

周紬字守謚端朝裔孫縣立爲申明亭長里有朱氏嫠婦抱幼雛撫之及長家漸豐朱之弟及子利其產謀逐之訟於縣林尹惑焉紬力爭不得乃令嫠焚疏額城隍神一日天陰晦諸惡少方飲於大州橋樓上雷忽起震朱父子擊之嫠冤遂白紬因名其孫曰感後登科

萬厝府志

鄭瑞居白水鄉讀書明大義嘗掌鄉賦里人貧不能輸者

輒代之輸上書當道請毀淫祠興社學以壽終

萬厝府志

王價字立均儒志先生十五世孫姓孝友兄姪俱早世供億其室人俾完節而終素爲鄉間所推服有爭競者質一言輒解舉鄉飲賓著有撫松集萬曆府志

李階字升之號月川唐宗室集之後聰敏善屬文旁通算數陰陽醫卜詩和平婉順類其爲人少敦孝悌喜言人善成化間與友鄭某就試杭州鄭卒階哭斂如禮以其柩歸宏治己未同年周紀卒於京亦如之登正德辛未進士歷知高邑壽光擢南京刑部主事升員外郎授廣東按察司僉事所至有聲嘉靖丙戌休歸居於謝池癸巳卒年七十八王祭酒激銘其墓鶴山集

丁輝字允明號省菴成化己亥邊塞缺馬詔天下尙義者  
出金補之輝應詔捐輸例授七品散官宏治戊午捐金修  
建衛署辛酉創鹿城書院又獻腴田十畝以助

章元應義  
官丁省菴

墓誌  
銘

葉養正業陰陽術幼與指揮陳壽相友善陳貸其金二百  
餘二十年不能償而卒時養正家已中落然度陳氏之子  
終以此爲家累因取券焚之哭奠而去項參政嘗以存心  
不欺行己有恥稱之

項喬賦  
東錄

邵曉字世賢號郭東父道濬兄暉皆義官曉善理財性節  
儉好施與暘暉阮洋橋梁道路皆捐貲修理知府陸鼈丁

瓚先後委修鹿城書院築海塘造戰船皆有力焉富而不驕婦歿不再娶子翰援例入太學以獨子侍養不赴選嘉靖戊申卒年八十四項參政銘其墓

（廣東錄）

項耆壽字良山號貞菴曾祖璧自青田遷永嘉七甲父妍六十生日而生耆壽因名焉娶王氏生子守而卒時耆壽年二十九撫子成立終身不再娶年七十五授冠帶嘉靖乙酉卒年八十從孫喬誌其墓

（廣東錄）

林瑞南明倫里人天性孝友兄弟子孤撫之成立女孤爲擇婿歸之姻族中有釐而苦節者贍之田貧不能昏葬者給之資歲歉平糶以賑窶乏折券以寬貸者邑宰周公書



賙貧恤匱表其間尋禮為鄉飲賓生平重然諾治家一遵古禮人有以非禮忤者恒恢恢茹納其不為畛域如此山

藏稿瑞南林

公墓誌銘

陳淮早失怙撫諸弟不異爨嘉靖戊午饑煮糜施藥全活甚眾親舊貧無歸者為之殮埋三延蜡賓壽百歲旌表建

坊萬麻府志

林思建相溪人性簡默不談人過好施愛客以琴書自娛足跡不入城市者二十年郡舉鄉賓不就以酒幣禮其家

萬麻府志

王至亮字昭采太學生嗜圖史工翰墨以博雅稱性至孝

以兄早世不忍離二人側遂不求仕進居鄉樂善好施凡  
恤貧賑饑掩骼施藥築橋塘堰之關於鄉土者歲無虛日

以子欽準貴封惠州府通判

康熙府志

王至交字昭信太學生性行端直好施恤貧永嘉場濱海  
塘路橋嶺陡門諸費率數千金皆力爲修築郡守施鵬最  
器之嘗造廬致禮焉子詠邑庠生以詩名有竹居集孫澧

孫國學生有自怡集

康熙府志

梅光宗萬厯戊午歲饑出粟五百餘石賑濟崇禎庚午疫  
施棺二百置義塚修城垣葺文廟助建巽山塔築塘修橋  
費數百計累舉鄉賓壽八十有九

康熙府志

葉案字彥榮世居禮賢里娶陳氏案年二十五而陳卒誓不再娶妻黨痛其子幼勸之娶泣辭邑令李丕顯旌之

萬麻

府志

朱浣字宗川居雁池巷性行端飭舉爲里者遇公委毅然秉理人莫敢干也郡守趙錦深敬禮之爲書爲善最樂四字表其閭病則遣吏問餽及疾革不能言猶書男子不死婦人手令避去始瞑子邦基以行誼聞

舊府志

陳植字應蕃幼孤事母孝好義樂施萬麻乙亥輸粟賑饑

郡守楊邦憲旌之以壽終

萬麻府志

孫滄與弟友愛不異爨有貸者貧不能償焚其券子昭登

第贈御史

康熙府志

鄭奇崇禎五年海寇數千艘猝犯郡城糧餉空乏城幾陷奇捐貲膳義兵二千餘人登陴共守圍解副使杜喬林給好義可嘉扁旌之

康熙府志

周尙文字孺祥號麟野旋曾孫邑諸生以子應期貴累封奉直大夫布衣蔬食不異諸生時應期備兵福建海寇熾作書報父答曰爾一意辦賊卽爲國死吾何憾乎及遷江西左布政復以書諭曰嘗見衙官啞人如虎小民片紙入公庭鼠輩蠶食不破其家不止爾爲監司去此二害民間受福多矣俄轉右布政又誠之曰邊餉加派中人之家俱

不能存想江右不異吾溫昔人謂民窮財盡賢者所宜盡力之時慎之哉毋以培克應功令毋以敲扑博功名其教子義方如此生平不佞佛亦不訶佛嘗曰吾不欺天不欺人不欺鬼神便是戒律何必合掌膜拜爲哉或言導引之術曰修短有數豈人能爲嘗準朱子家禮作祭儀三篇以示後人崇禎六年卒年六十九子三應期自有傳應明應朔皆諸生鄒維璉銘其墓

達觀樓集

國朝

謝包京字令夏順治乙未進士授河南南陽武令多惠政邑

人爲立祠五柳集後入河南名宦祠

坦齋集

其居家事親孝

待宗族甚厚倣范文正公義田法設義租數百石俾族之  
公正殷實者主之凡讀書婚嫁無力者酌量周恤藉以成  
立者甚衆學宮傾圮捐塗田四百畝以助鼎新所積租穀  
永爲修葺之費甌郡海氛犯順遠近戒嚴包京同守土官  
登城固守鄉民被難入城餓殍載道乃悉出庾粟煮粥賑  
贍爲好義者倡全活無數

康熙府志

自號兩雁山人

包國隆宋儒包定之裔性長厚好善樂施能緩急濟人而  
無德色飭躬訓子老而彌篤御史王元曦按部式廬旌獎  
康熙改元 覃恩以子文愷任零陵知縣封如其官督學  
李如桂書榮膺寵錫字額其堂四主賓筵子孫咸襲縹緗

永嘉縣志

卷之十八 人物

義行

七

稱德門焉

康熙府志

朱天佑性敦厚好施予順治十五年海艘登犯鄉民逃避

入城佑賑濟全活甚衆捐修橋梁路道拯濟姻族屢舉鄉

介賓督學兩給扁旌獎壽八十二

康熙府志

劉應兆七齡失怙母鄭氏孀守成立性孝友誠樸賑貧濟

乏鄉人稱之順治戊戌鄉民避寇入城多方爲之全活督

學給德厚流光扁旌獎

康熙府志

陳遴堯言孫邑庠生天性孝友尤急人之難婚喪賑卹無

倦色康熙甲寅耿逆難作僞帥曾養性據永嘉逼授僞職

備極拷掠不受逃入六科山中乃免嘗協修文廟得石刻

朱子像於土中建祠祀之捐田八十畝以奉祀事司訓蔡啟份爲文紀於石子王綬乙未進士別有傳王組拔貢教諭遴以王綬貴封文林郎壽八十六卒

浙江通志

王乾亨幼孤事母備極孝養由邑庠入國學好義樂施修學築塘之舉爲無不力每歲暮以錢米分給親族鄰友之貧者御史牟雲龍額其門曰葛天遺愛著有澹寧居集

康熙

府志

徐應寵慷慨樂施每捨棺以殯死而無歸者遇荒煮糜以

賑當道屢獎

康熙府志

高應召字廷賓宋太尉世則之後元理學守奎十二代孫



也忠誠篤實慷慨樂施世家仙源環水以處鄉人苦無渡  
嘗製竹爲筏以濟至閩變戰死棄水者數萬人應召與徐  
應寵收其骸骼得萬餘尸營義塚於西山巡道高培給西

伯同仁四字獎之

康熙府志

馮國英字茂卿性行純篤嘗有盜夜入室偵爲隣人某諭  
勿張燈釋之一日攜銀外出有從其手掣攫之去國英曰  
知爾貧我不爾咎但不可浪費耳後攫者德其言果以積  
勤成厚資每歲暮輒袖銀少許遇有以逋負爭者恒代解  
之有妹適葉氏早寡無子迎之歸資以衣食完其節舉鄉

飲年八十四卒

乾隆府志

高繼晟字肇禧由龍灣徙郡城性孝友所治家產皆析與諸弟以承親歡親族有急必賑恤之龍灣距郡江行四十里舊以小舟渡甚險晟捐重資置義渡行者便之其他慷慨好施濟饑療病善行甚多後以孫朝遴官青浦知縣贈

文林郎

採訪冊

勝有盛字茂遠性好善樂施至老不倦有營弁韓某以負帑繫獄其母擬改適以出其子有盛代償之官事遂釋嗣有王姓以其女既許陳某而嫌其貧欲改字有盛爲陳行聘王復控之有司鞫得實女歸陳有盛仍出資爲之合卺康熙甲申穀踊貴有盛以其羨貸親鄰不責其償也嘗命

子廩生清手錄其年譜人以爲實行年八十二卒

乾隆府志

張瑞煌字尙予其先由永嘉三都徙郡城性慷慨好施乾隆戊午歲饑疫作居民困餓施粥濟之有死於道者施棺木以瘞之復罄千金買集雲山暨沙奧曠地以置義塚建憇亭施茶藥修橋梁捐義田懿行甚多觀察吳公士端郡守莊公柱皆旌其閭卒年七十八子振基克承父志

乾隆府志

張兆龍由行伍累遷瑞協副將恤兵愛民乾隆三年歲饑

賑粥兆龍經理其事民沾實惠咸德之後以勤勞致疾卒

衆爲立祠於悟真寺

乾隆府志

曾紹禮字戴符號望菴例貢生家富樂善好施乾隆丁巳

饑施糜粥活人甚衆辛未又大饑官廩不能給紹禮倡捐  
賑濟躬往他郡運米抵蘭溪舟覆溺死

知府邵齊然  
曾君墓表

谷廷桂字文舟西門外人乾隆己酉舉人例授員外郎力  
學好善其父舊有惜字會踵而行之又出己貲砌西門外  
大街石路築蓮花埭修三賢祠所費不下萬餘金嘗言憂  
樂有數而貧富不與焉死生有命而強弱不與焉識者以  
爲名言年八十六卒著有春暉社詩草及谷文舟稿藏於

家

採訪册  
芳齋厄言

張昌祚字邦銘父家城善貨殖家累千金昌祚腰大十圍  
人號之曰大度喜施予與鄉人交無賢愚盡愜其意有武

弁旣罷家落思魚肉人獨畏昌祚不敢肆嘗曰吾聞大度  
之言若巨石之壓頂惴惴焉不敢動也昌祚私謂其子曰  
世之擁厚貲者情相假吝不拔一毛雜然叫號於門必飽  
其欲而後去是教之暴也惠不期多寡期於當厄人不期  
頑懦期於曲全我之得伸於武弁者此爾其他設施若穿  
渠引水嚴斗門啟閉脩宗祀之缺敗皆身任之無難色又  
常爲人排紛難息爭訟鄉里信服焉子振夔自有傳介軒  
文鈔

孟澗清字諧甫號和卿原籍紹興父廷彩始遷甌城澗清  
性至孝侍父疾嘗割股以進祖母以苦節著而先世家貧  
多渴葬澗清請於父借返會稽省墳墓加崇封焉人稱其

不忘先德生平樂善好施檢父遺篋得質券數紙悉付諸  
火家人誚讓之愀然曰此貧戶吾父以老佛名不索償久  
矣留此何爲鄉閭咸德之道光十四年大疫捐置義塚瘞  
暴露千餘具嘗作七箴以自勸一孝親二睦第三慎言四  
克念五守謙六忍辱七存心各爲之說以示子孫卒年六  
十子錦城號劍秋增貢生候選州同力善有父風工吟咏  
著松風閣詩草手輯修福編東甌軼事隨筆行於世孫培

祖福建補用縣丞

採訪冊

曾佩雲字石生弟喬雲字次石皆諸生純謹好客喜藏書  
築名園於松臺山麓雜蒔花木名曰怡園道光初縣學圯

於颶風兄弟獨力重修計費白金八千餘兩學使朱文定  
公士彥爲碑文以誌之咸豐癸丑大水喬雲倡議捐粟賑  
之佩雲子諧字小石博雅工詩著有小石詩鈔行世採訪

謝欽棟號南浦相溪鶴陽人家僅中人產仗義疏財能周  
人急咸豐三年六月間風雨浹旬大水害稼近村貧民乏  
食者衆欽棟倡捐穀三百石以賑之六年七月又遭颶災  
府學明倫堂及東西兩廊均被摧欽棟獨力捐修計靡錢  
一千六百八十緡當道扁獎子思澤孫起麟皆諸生採訪

朱嘉文四都人仗義樂施道光初瘟疫流行頻年施棺槨  
千八百具十三年捐置上朱洋義塚十四年饑糴臺灣米

數百石爲粥以食餓者全活甚衆二十五年倡捐永嘉場  
文成會以給鄉試旅費重修四都諸橋咸豐三年築五都  
東平隸所費均以千計張振夔爲撰東平隸碑俞巡道樹  
風張令銑皆扁獎

採訪冊

陳承暄字堯人父萬清嘗割臂療親疾爲人慷慨好義拾  
遺金於途盡還之教子嚴承暄奉父訓惟謹攻苦力學善  
屬文省試屢不售以恩貢待銓教職邑志久失修湯令  
成烈設局編纂承暄實左右之咸豐癸丑秋大水成災倡  
議施粥賑饑七閱月全活甚衆辛酉八月平陽會匪入城  
子葆忠宗鼇皆創承暄不顧晝守禦計甚飭同治壬戌春



粵匪圍城佐官紳行保甲團練法克保危城事平加知州  
銜明年署蘭谿訓導卒於官葆忠增貢候選教諭宗菴廩  
貢候選知縣試用訓導孫鳴科祖綬祖綸皆諸生

採訪冊

嚴思聰號雪坪明倫里人諸生性和易好義急公咸豐三  
年水貧民乏食購穀濟之多所存活八年春粵匪陷處郡  
窺青田溫郡戒嚴糧道梗塞思聰設法購運守禦有資民  
心始定十一年秋平陽會匪犯郡城力籌兵餉同治元年  
春粵匪圍城兵勇廣艇雲集需餉甚鉅無以應思聰竭力  
支持籌捐不足以約劑結信事平饒通萬餘執券索償幾  
致破家幸巡道周公開錫莅任別籌資遣始得息肩家亦

中落他如僱艇赴瑞解圍及助修文廟皆以身任不辭勞  
苦以保守城池功賞戴藍翎卒年七十六

採訪  
冊

葉品金字麗生蒲洲上埠人附貢生里有八字大埭永瑞  
二邑之田悉資灌溉咸豐癸丑夏大風雨決句埭決品金  
籌資二萬餘與從父冠瀛普莪等協力築之至今利賴海  
濱多艇匪倡議築堡防禦居者得按堵無恐同治壬戌粵  
寇踞磐石將過江品金率團防堵賊逡巡不敢渡事平加  
同知銜同時有胡見喜南湖人監生家僅小康亦以疎財  
仗義聞嘗築瞿嶼水心馬鞍諸橋勞瘁悉身任之雖罄資

不惜焉

採訪  
冊

王心一字爾欽英橋人附貢生性樂善嘗浚永場河道所費不下數千金事竣復捐置義田以垂久遠道光甲午饑心一就地施賑全活無算郡有褒忠祠明嘉靖間飭建祀王太僕沛心一之族祖也歲久就圯心一率族重建出千金成之其他置義冢地創永場文成會以資寒士應科舉者鄉人皆賴焉前令張銑額其廬曰一鄉善士

採訪冊

梅宗昌字庭芳號偉堂國學生舉鄉飲介賓年少以勤儉起家而樂善好施至老不倦嘉道間歲饑拯困濟乏鄉里賴以存活者指不勝數至今猶稱道弗衰年八十卒

採訪冊

藝術

藝者道之所寓也故技可以進乎道而志道據德依仁之君子猶必游於藝焉永嘉人材輩出有道之士若儒林名臣介節隱逸其備矣有德有仁之士若宦績忠義孝友義行亦衆矣文章者道德之華而藝術者文章之細然皆不可謂非道中事也彼抱道能文之士兼通藝術者既備他傳而又以其專以藝名者著爲此篇然後斯邑之人材燦然無遺已雖然苟其無得於道亦烏能以藝成名也哉

唐

蔣直天寶十二載直云郡城內有白幕太守李江忽丁憂  
李欲歸江北蔣又云公至縉雲郡却回當有一緋一綠一  
碧人來相推按然終無事後果採訪使張愿着緋大理司  
直杜喬著綠判官張璘着碧來按遇赦而止太平廣記

宋

葉谷作油烟墨絕佳與潭州胡景純相上下春渚紀聞

毛信卿失其名放意詩酒畫竹自給號箕山杭人得其片  
幅轉售於市輒爭取之自言大竹畫形小竹畫意得法於

趙牧之圖繪寶鑑

劉拱辰子逸其名徽宗政和間以方技至京師甚見寵幸

賜號純和處士名其里曰純和里

萬麻府志

馮一德字贊道涉獵書傳及唐人詩善言骨相游衡湘間嘗相湖南漕使直閣鄭公最奇中以是名益聞旋上九嶷歷蒼梧遍覽山川悒然不樂謂楊誠齋曰俗情益不古似矣吾厭之將脫冠巾祝髮髻以去耳誠齋爲作文送之

楊萬

里誠齋文集

郭楚望

袁清容集作永嘉人

以善琴名淳景間韓譜湮廢楚望始紹

其傳毛敏仲楊司農徐天民皆祖之一日郡守資政趙公招飲雁池閣月夜鼓一再行有物似魚非魚跳躍於池中者數四守怪之他日復鼓前操跳躍如故因涸池水索之

得無射律琯蓋沈埋歲久適鼓亦無射調聲應氣求故如

此論者奇之

俞德鄰佩韋齋  
輯聞清容集

林君奇寔廟時以風鑑名京師日閱十人則卷簾撤肆而  
飲穆陵在側微詣焉君奇熟視不對肆將撤君奇延至所  
居曰某閱人多矣未見有如官者後五年當爲天下主今  
雖貧去此六十日必富且貴因徵詩爲他日證穆陵拈筆  
書曰許負昔往矣天綱今何之誰知千載後復遇林君奇  
後果封成國公以濟王廢入繼大統君奇取詩飾以龍錦  
標諸肆時相史彌遠索詩給爲入奏官之明日贈以錢二  
萬放令歸鄉君奇憤恚而死

俞德鄰佩  
韋齋輯聞

馬宋英至錢塘游淨慈寺寫古松於壁題云磨殘一錠雨  
銳墨掃出千年萬年樹月明烏鵲誤飛來踏枝不著空歸  
去丁大全丞相賞其詩畫急命索之人忌其能闕不令出  
卒不遇竟成詩識作墨梅竹更妙畫史會要

釋仁善畫一夕夢見龍數百自是益臻神妙每醉揮墨汁  
醒後乃補之人物花鳥形狀極肖浙江通志嘗醉永嘉市顧粉

壁新巧取拭盤濡墨灑其上來日少增傍爲狂根枯卉極

輪囷之勢人服其能兩浙名賢錄

戴焯號復菴文端公溪之後爲臨安府知錄咸淳間謝后  
得異疾舌出不能收焯應召傳以消風散立愈后大喜詢



知文端孫妻以姪後元兵至棄官學道遇異人授以赤天之秘能飛神謁帝後游龍虎山至衢州有吏抱文書捲其右俾署左判官銜下署畢索視則甌郡回祿文也未幾郡果大火惟燭家得免

兩浙名賢錄

元

劉資深世傳醫學元初郡大疫郡守肩輿迎之投劑皆愈

與戴復菴燭齊名

兩浙名賢錄

王振鵬字鵬梅工山水

畫法年記

官至漕運千戶界畫極工緻

仁宗眷愛之賜號孤雲處士

畫史會要

嘗爲大明官圖以獻世

稱神品

道園學古錄

近世所傳春明標圖極精與清明上河

圖同價嘗奉詔作十妃冊藏之內府楊文正公於燕市得

之什襲而題其後其爲鉅公所重如此

兩浙名賢錄

夏迪字簡伯温州人工畫山水竹石

書畫譜

明

金子性其先世嘗遇異人授以內消丸一方永樂六年取  
就內府藥院中制丸以進授太醫院未久賜鈔歸田養老

舊麻府志

徐孟彬少聰敏勤於問學汲古之餘兼通醫術客京師常  
居善藥人有疾無富貴貧賤一以藥濟之未嘗責其報翰  
林檢討潘民止冒寒疾且劇孟彬藥之不旬日疾愈而孟

彬不自以爲功潘知孟彬不可利瀆乃謁僚友賦詩頌美  
自序其德之意黃文簡爲之序

介菴集

陶與讓遠祖景齋善醫爲人諒直未嘗屈己媚人叩之者  
戶屢恒滿與讓爲郡醫學正科克承家學肆力羣書名曰  
振黃文簡館賓劉禧疾劇與讓投數劑輒愈劉奉幣以謝  
堅却不可乃贈以杏林春霽圖同時陳時字用甫以醫名  
其子蘊璧有父風德之者亦繪杏林春霽圖爲贈文簡並  
爲之記

介菴集

謝廷循名德環以字行號樂靜居枏溪鶴陽博雅善詩畫  
詩學盛唐字學王逸少畫師小李將軍時號三絕永樂中

召至京師宣德間徵入畫院大被寵遇

明畫錄

授錦衣衛百

戶常令內直應制賦詩援筆立就才思清麗上賜筆精入神圖章又賜御製水亭樂靜軒瑞香花三詩遷錦衣衛正千戶正統間與少傅楊士奇少師楊榮宗伯楊溥少詹王直王英侍讀學士錢習禮李時勉陳循左庶子周述游稱杏園十友景泰三年陞授錦衣衛指揮僉事歷事五朝年七十六卒著有夢吟堂集子俊承廕族子道寧永樂中嘗

以賢良薦

廟熙府志鶴陽謝氏家集

陳謙壽號少南性豪宕介潔數游燕趙三吳以善奕名滿天下邵太僕俊鑄其姓氏於所奕枰其取重如此爲詩氣

峻旨厚如其爲人孫宗伯鑛嘗聯鉅公十八人與結詩奕

社著有奕書則易及詩稿傳於世

康熙府志

鄒寅字公亮能詩善奕復精軒岐家言斗室虛寂無纖俗  
物嘗自詩有云苦吟未免通詩債賣藥差能辦酒錢卽其  
寶錄云易白樓中丞謫永嘉與之昕夕唱和所著詩多散  
佚間有藏其稿者

康熙府志

林應龍字翔之號九溪宏正間人學問奧博大小篆俱臻  
神境爲印局大使

汲古堂集方湯夫傳書畫譜

袁遷字宗喬世居黃嶼洲中種橘數十本於洲上自號芳  
洲主人少業儒精醫理嘉靖中薦授御醫回疾起瘍十不

失一朝之搢紳皆以芳洲呼之項參政喬爲之傳國東錄

包厥初字幼白性聰慧從國手陳少南游遂精於奕旁及書畫印章各臻妙品入閩曹能始一見稱之嘗爲之延譽

何香山蔣八公黃東崖三相國皆引爲布衣交復游兩粵

從楚歸吳所至爭相延致過嘉禾倒橐解故人之難人益

高其義詩文盈篋歿後韓則愈爲立傳康熙府志

張鳴鳳字仲階少隨父謁選之京旅邸中遇一異人與語

奇之授以養生導氣之術遂盡得其傳臨別出袖中禁方

與之曰習此可壽世鳴鳳卽屏公車業弗事徧游方外每

遇危疴授劑無不立愈康熙府志

包容字蒙古號虛中博通羣籍善擘窠大字及行草大小篆旁及繪事篆章皆臻絕妙萬厯初由儒士聘預修玉牒會典戊子春授史館中書舍人張江陵當國雅愛重之嘗以玉章相屬已鐫就使者促之急容怒礮而還之己丑歸省時郝仲輿宰永嘉常以文酒相過從壬辰起家北上至樵李毋朱病卒復聞鐫秩遂寓吳門四方名士造請雲集凡十年始歸就西城康氏廢園構亞綽齋終老焉崇禎己

巳卒子封夏郡儀賓

康熙府志  
汲古堂集

黃燦字蘊和少保淮孫號大羅山人工詩文書法其畫山水蒼秀有致與姜立綱同直中秘終大理寺副

會稽徐林  
公心明畫

錄

柴浩字養吾善畫嘗寄跡於鄞師米南官寫雲山烟巒變

態渾然天成

益波府志

虞悅字君大工書真草篆隸俱臻其妙萬厯間朱宗伯之  
蕃考入儒士上等凡宦游於甌者無不禮重焉至今甌人

善書者必以爲得虞家筆法兄岱亦以善書名

康熙府志

方日新字湯夫道言遺腹子也性好山水時杖策赤石陽  
湖間復好奕里中有澗泉鮑一中者奕品於永嘉派爲第  
一死久矣從故老得鮑所藏秘法及鮑同時周源徐希聖  
所傳圖勢素習之遂盡其術而小山李中

一作李冲

年七十餘



以奕自負與日新角輒北時維揚亦有同姓名者與兄日升皆國手於是人號東嘉小方云然不欲以技自名更極意爲詩衆亦稱善常客合肥令劉志選所萬厯戊戌卒年四十四子履吉諸生

大泌山房集  
復古堂集

林希遜號華靈工書倣二王筆法年踰八旬尙精蠅頭楷字求書者屢滿戶外好吟咏善集唐甌人得其片楮矜爲

拱壁

康熙志

翁朝縉精岐黃業於金匱靈樞潔古海藏諸書探微抉奧而以意上下之所存活不可億計仁厚嗜義屢舉蜡賓同時有張德源蔡偉節俱以精醫名

康熙府志

谷宗綱字以張精青烏家言以及天文讖緯之學考驗精晰恥以術鳴託情詩酒終身守縫掖不棄有詩文若干卷弟宗伊字以任以醫名於時亦以章縫終老時論並稱之

康熙府志

孫爵字文鑾王至健字昭行俱善丹青花鳥天啟間以畫名於時

康熙府志

邱一龍字義瑞號雨川世爲沙園所百戶折節讀書過日卽成誦操筆爲詩立就善滑稽每嘲謔輒人人冠纓絕弱冠襲世官時倭擾沿海部使者袁祖庚飭兵甌括一龍以裨校隸中堅衆議戰守策一龍指天畫地若燭照數計終

不用後使者至一龍請解職以見代使者命題一律每句以八音冠首一龍獻詩曰金風吹破舊團花石屋分泉自煮茶絲盡已知蠶欲老竹殘還喜筍初芽匏瓜霜後終難繫土偶春深未足誇革故鼎新身合退木奴洲畔放歸槎使者歎賞如其請晚年貧甚素善祿命家言乃垂簾郡市中得錢卽趣付酒家或具酒招飲攝弊衣據上座或稍侵狎以酒政虐之卽拂衣去雖謝過百方弗留也以老病終詩多散逸何无咎爲之傳

汲古堂集

國朝

項維仁字壽春號勉軒隱居松臺山以畫擅名兼工詩字

性恬淡晚年就松臺山麓拓園種果因名果園且以自號  
嘗游雁蕩與僧道融爲方外交又與李石農觀察游雁山  
有紀游倡和詩其所自著有果園詩稿歐乘補

李觀樂號碧山初名鎮海家酷貧賣菜爲業年二十餘聞  
有吟誦聲輒神往而未嘗識字也耆儒某憐其志時爲講  
解久之能通經子百家而尤熟於史遂學爲詩歌兼肄書  
殫精極思寒暑不懈數年書大工詩古今體俱有法度素  
豪於飲竟病酒卒華文漪爲之傳逢原齋集時有黃巢松充營  
卒祝聖源茶博士梅方通販魚計化龍修容周士華鍛鐵  
張丙光冶銀皆能詩結社聯吟有市井七才子之目歐乘補陳

遇春  
筆記

童中模字哲初號羅顛山人嘉慶戊午歲貢祖振聲舉人中模少習與業凡諸子百家靡不通曉尤精句股壬遁術家貧恒辟穀旬餘無所苦好游山不備芻糧久而忘返人咸以仙目之巡道李公鑾宣延主東山書院講席嘉慶壬戌夏大旱鑾宣問計於中模乃於六月九日設壇書院禱三日日十三日午時當雨及期果大雷雨四野霑足酬以金不受時處州亦大旱知府王績著麗水令張吉安禮聘往禱中模閉門三日日未申之日未申時大雨滂沱雷電馳莫道天公容易測桑林且費七年思至七月初二未日

未時初三申日申時皆驗酬以金亦不受歸二子冠倫冠

儒皆諸生

鏡帆文集

永嘉縣志

卷之十八

選舉  
一  
三

寓賢

禮著寓公之名詩有袞衣之咏此寓賢所以誌也永嘉山水名邦游客旣多僑居亦衆苟欲一一書之則連篇累牘不知所裁非志體矣今於其遷居是邦者詳記始末以著斯邑人材之所由盛而其餘則但記其游迹而他行不復詳焉其或不甚著則但錄其題咏以壯山川之色而於此不復贅云

漢

梅福字子真王莽時棄官而隱慕永嘉山水遂居焉今梅

嶼卽其地也

康熙府志



晉

郭璞字景純宏農人嘗客歐爲卜郡城有白鹿銜花之瑞

故城名白鹿郭嘗謂九山象斗華蓋松臺郭公

按郭公山以郭璞得

名則此說疑誤

海壇四山爲斗魁積穀巽吉仁王三山爲斗杓黃

土靈官二山爲輔弼且云此去千年地氣始旺

康熙府志

吳超章安人歷官國子祭酒後避地東甌

赤城志康熙府志

梁

陶宏景棲茅山一日夢人告曰欲求還丹三永之間知是

永嘉永監永康遂入柎溪青嶂山修道今有真誥巖

康熙府志

蔣湛陽羨人兄渙普通初爲永嘉守湛以西華奇山也留

居不歸武帝賢而官之命後守卽廬授焉故名其鄉曰建

牙

葉適知處州蔣公墓誌按舊志隱逸云永嘉人有高操

刺史季廣琛建牙持碇詣其家徵之不就至今名其鄉

曰建牙其說蓋據浙江通志考季廣琛爲温州刺史在蔣

渙之後見十國春秋蓋亦沿地志之誤通志因蔣渙名姓

俱同遂誤前梁爲後梁添入季廣琛以實後守之說水心

博學多聞見去五代僅二百年其爲人作墓誌必有考據

曰渙弟湛曰陽羨人曰普通曰武帝

非後梁非永嘉人明矣詳見辨誤

唐 孟浩然名浩以字行襄陽人常過東甌訪友張子容游孤

嶼有衆山遙對酒孤嶼共題詩之句又有鹿城懷歸及別

張子容詩

康熙府志

羅隱字昭諫新城人負才不第流落永嘉到處題詠後仕

吳越錢武肅王極見禮重

康熙府志

宋

趙抃字閱道衢州西安人官至參知政事以太子少保致仕子帆字景仁由廢登第元豐二年以大理評事判温州迎抃侍養構戲絲堂人以爲榮抃在溫遍游諸名山踰月乃歸

宋史府志趙清獻集東國金石志

洪芹适曾孫以祖廢入官甫更調登進士第歷官將作少監用宰相程元鳳薦兼翰林權直秘書少監陞直學士院權禮部侍郎中書舍人屬兵興詔書所至聞者奮激蓋芹所草也性慷慨多言天下義之遷禮部侍郎以論去退寓

永嘉怡然自適

宋史本傳

馮成字熙績滑州人魯國公守信之孫建炎間扈駕至溫州遂居永嘉德政鄉岳飛數奇之羅致幕中屢與兀朮戰捷收復州縣每念魯公以必死報國高宗書嘉忠二字賜之遂以嘉忠名堂飛既冤死成遂滅跡人間以琴書自娛

號湖山居士

康熙府志

高世則字仲貽蒙城人紹興間知溫州先是思永嘉山水之勝擬欲卜居夫人曰我幼時記昭淑授以詩有故人官就此絕境與誰同之句真樂土也於是買田負郭作園圃蒔名葩植佳木以備遊息及知州事旋以疾去官卒葬仙

永嘉縣志

卷之十八

人物

寓賢

書

巖之東山謚忠節

東甌金石志楚國太夫人墓誌

洪模丹陽人父擬知温州有治劇才模歷官驃騎上將軍

浙東宣慰使寓家於溫建總政堂夢草堂

浙江通志

陸游字務觀自號放翁山陰人爲益德主簿過郡嘗曰自

來福州詩酒殆廢北歸始稍稍復飲至永嘉無日不醉詩

亦屢作此事不可不記其詩云尊酒如江綠春愁抵草長

但令閒一日便擬醉千觴柳弱風禁絮花殘雨漬香客遊

還役役心賞竟茫茫

湯志墓

徐定字德操泉州晉江人娶永嘉鮑氏遂家焉由上舍釋

褐歷處州吉州教授知邵武縣幹辦福建路轉運司公事

宣熙八年通判太平州時流民大至守不知所爲盡以委  
之定設次臥起造屋數百行食散藥須舟不時濟者皆歸  
焉畢渡不失一人宣州妖民胡木匠居麻姑山誘聚數千  
人縛巡檢貫其耳以徇守適罷去轉運使命定攝州事單  
車馳入境令曰汝等粥糜苦不飽謾相從爾非爲亂也能  
自首者無罪與之粟衆咸從令胡木匠亡命去州竟以安  
擢知潮州謁病主管沖祐觀紹熙二年卒年七十四官朝  
散大夫著有春秋解十二卷書社問答二卷禮經疑難一  
卷詩文崇孝宗參錄四子瑒迪功郎汀州司戶孩早卒璣

瑒皆自有傳

葉適知潮州  
徐公墓誌

文天祥字宋瑞廬陵人宋亡求二王於温州嘗駐師江潞過中川有詩後人因建祠焉

府志

杜潞字貴卿黃巖人丞相範從子也少負氣游俠德祐元年有詔勤王潞時宰縣糾集民兵得四千人文天祥開閩平江往附焉天祥北行諸客無敢從者潞獨慨然請行特改兵部架閣從京口以計賂守夜劉千戶者得官鐙脫天祥偕走淮甸由海道以達永嘉益王卽位授司農卿廣東提舉招討副使督府參謀尋往溫台招集兵財福安陷與天祥相失遂趨行朝蘇劉義疑潞自來欲殺之陳宜中張世傑不可使人監護之乃免久之奉命復入天祥慕天祥

移屯湖州游議趨海道天祥不聽使護海舟至官富場游

懼力單徑趨厓山兵潰被執以憂憤感疾卒

宋史忠義傳

謝翱字皋羽浦城人自號晞髮子祥興元年避地浙水東留永嘉括蒼四年其游樂清之鴈山縉雲之鼎湖當在此

時

方鳳謝皋羽行狀

元

黃公望字子久本姓陸世居常熟後繼永嘉黃氏父年九十始得之曰黃公望子久矣因以名字焉性稟敏異應神童科至元中浙西廉訪徐致辟爲書吏一日著道士服持文書白事致怪而詰之卽引去更名堅自號大癡道人或



號大癡哥一峯道人隱於西湖之笕箕泉已而歸富春卒年八十六公望博聞強記畫山水宗董巨源自成一家所皆寫山水訣甚有理致世皆宗之

浙江通志元詩選

明

蔣允汶原名文質字彬夫號蒼巖青田人元季避地閩中就試中流寓榜進士第一辭不就仕洪武初寓永嘉知府楊時中延爲府學五經師同知王全執弟子禮事之後實授本學訓導

經義考引温州志作府學教授

舊典浙江鄉試得士獨多著

有大學章旨中庸詳說四書纂類

康熙府志歐海軼聞按舊志誤作永嘉人列儒

林今更正

徐宗實名屋以字行號靜菴黃巖人少聞永嘉彭庭堅

瑞安

人得朱子正傳從之游遂贅居永嘉負才尙氣有經綸天

下之志慕范文正公之爲人常誦先憂後樂二語迨元亡

隱居講學黃文簡公淮童時嘗從受業稱其剛毅嚴正約

教條爲學規若官府號令賞勤罰怠悉當其情洪武壬戌

應聘入都以布衣爲駙馬都尉胡觀師洪武末通判蘇州

府用薦陞兵部右侍郎兩持使節罷而復起轉尙寶司丞

靖難兵入棄官歸永樂三年逮至京卒年六十二黃文簡

表其墓

明文衡

文徵明初名璧以字行更字徵仲長洲人父林爲温州太

守文章政事有名於時徵明少從游林卒於官温人斂數  
百金爲賻徵明固辭不受温吏士謂文氏父子皆能廉徵  
明書畫名重一時以貢至京尙書李允嗣大學士劉忠交  
薦授翰林院待詔致仕歸

明史本傳

侯一元字舜舉樂清人徙永嘉登嘉靖戊辰進士授南刑  
部主事積遷江西左布政所至有惠聲

康熙志

告歸屏居浮

汧創環壁書院有樓榭臺池登高臨流雅歌詠詩盡東南  
之勝者餘二十年人謂永嘉山水自謝監發之最後乃得

二谷

王弼州集

著二谷集

陳良楚號慎吾由樂清迎恩橋徙居郡城郭東鳳山雅有

皮陸之致晚愛漢洛諸六儒名言懿行手錄其切要者揭  
之座隅以寓炯戒與郡中耆碩陳仰虛葉少田項鏡湖蔣  
仰光何无咎姜叔廉共爲率真會飲酒賦詩爲樂治兵使  
者毘陵賈公器之扁其間曰清世逸民

汲古堂  
續集

何白字无咎樂清丹霞山人自號丹邱生又號鶴溪老漁  
性孝友淹通羣籍工詩古文辭雄視一世善書畫山水得  
方壺筆意清老可尚竹石亦最秀潤客游金陵吳明卿集  
諸詞客賦詩白分韻得入齊分體得七言排律卽席立成  
百韻四座傾服由是得重名與王元美陳仲醇迭主牛耳  
鄭崑巖開府三邊延爲幕賓經歲歸卜築珠浦結山雨閣

涼月灣唱和皆一時名流邵建章劉思祖項季與輩諸鉅  
卿千旌賁門不得一瞻風範已而南窮湘沅遍游諸勝類

有詩記所著山雨閣詩榆中草其汲古堂集二十八卷乃

手定本也卒年八十一子永年辛酉鄉薦

樂清志畫史會要康熙府志按

白自敘家世國初從永嘉徙樂成世居丹霞山麓金溪稱  
金溪何氏九傳至白甫歸隨父導移居郡城是白占籍樂  
清已久其子永年亦見樂清選舉  
舊省府志以爲永嘉人蓋失攷

李光春字元甫樂清人徙永嘉萬厓丙辰進士任廣信推

官執法不畏強禦舉卓異第一擢御史抗疏論魏忠賢罪

狀忤旨奪俸左遷九江兵備副使崇禎朝游歷福建江西

河南藩臬晉左僉都御史臺臣王聚奎劾陳啟新溺職啟

新方用事疏入下聚奎議處光春力爲申救上不憚遂罷  
歸優游林下三十年壽八十一

（康熙府志）

易應昌號白樓臨川人崇禎甲戌以御史論獄忤旨謫戍

溫州在溫惟心儀封公周麟野時相過從言論甚暱

（何白書易）

白樓周麟野  
詠辭冊後

顧錫疇字九疇號瑞屏吳之鹿城人

按崑山一名鹿城

萬曆己未

進士官檢討天啟四年典試福建程策譏刺忤魏璫削籍  
歸崇禎初復官歷禮部侍郎福王立進本部尙書南都破  
間關赴閩唐王命以故官力辭不拜寓居溫之江心寺總  
兵賀君堯頓師郡城縱兵爲暴甚且撻辱諸生錫疇時加

抑制將論劾君堯懼不免夜半使人排牆殺之投屍江中  
溫人覓之三日乃得棺殮 國朝巡道陳聖治爲建顧公

祠於寺旁歲時祀之

明史本傳陳聖治顧公祠記按顧公舊權厝於江心寺後順治三年知縣

吳國杰力謀反葬於吳

國朝

朱袞字修齡號愚齋義烏人歲貢生官行人司副弱冠來  
永嘉與邑人李元發梅調元暨兵備使萬公代尙訂莫逆  
交口往來松臺孤嶼間爲詩酒之會康熙甲寅耿變台溫  
二郡相繼陷民爲寇脅者皆割髮爲俘及逆平當路欲盡  
其類殲之袞力爲解釋悉出之并捐多金贖俘虜之民行

之數年不倦願全活者數萬甌民感其德爲立祠於孤懷

訓公亭京春秋祀之

林占春朱公祠記

張才用字玉森錢塘人康熙甲寅閩變提督陳世凱徵爲  
記室從軍赴溫愛其風土樸茂卜居於郡之屯前里長子

天駭歷任提鎮爲時名臣

乾隆志

王復禮字草堂仁和人陽明先生後裔性孝友富著述康  
親王南征重其文行賜袍褒美康熙壬戌遊鴈蕩意欲築  
室其側容甌數載日與諸名流酬唱興至輒寫竹石深得  
與可意嘗作江心雅集賦仙巖流觴詩人謂有蘭亭遺風

康熙府志志

香居畫誌



朱彝尊號竹垞秀水人嘗來永嘉曝書亭集有永嘉雜咏

詩乾隆

志

孫擴圖字充之號適齋山東濟甯州人乾隆丙辰舉人兩  
中明通榜授縉雲知縣有善政庚辰温州知府李琬延主  
東山書院訓迪有方年餘北歸追憶東甌風景作温州好

詞十首

湯志

袁枚字子才號簡齋錢塘人庶吉士改知縣引疾歸乾隆  
壬寅游天台雁蕩遂至永嘉有温州坐筵詞及謝客巖華  
蓋山汀心寺諸詩

小倉山  
房詩鈔

方天孫字光中號石泉泰順人僑居永嘉廣化廂乾隆乙

酉選貢 朝考一等授南靈知縣陞石屏知州歲旱饑請賑不許請開常平倉又不許民誨將激變天祿召父老慰諭率之詣郡再三請已復繳印力爭卒不許遂自經於郡寓大吏憫之始開倉賑貸民感泣尸祝之

秦順分疆錄採訪冊

鄭兆麟字占元樂清人僑居郡城樂義好善嘗施嬰堂棉衣瘞埋暴露尸骸甚夥其尤著者永邑七都有臨江坍塌田三千餘畝賠納空糧十八載鄉人苦之麟獨力呈請當道申詳大憲咨部 題準豁除此嘉慶五年間事前縣令巴哈布嘉其義行給仁壽二字額表其間子嘉德歲貢生博學能文應童子試縣府院皆冠其曹後爲郡城肄經堂

掌教

採訪冊

梁章鉅字茝鄰福建閩縣人嘉慶辛未進士由部曹歷官江蘇巡撫以病乞休歸子恭辰甲午舉人候補知府署溫州府事迎養在署仿宋趙屺迎清獻故事作戲綵亭爲一時佳話杖履所至隨處題詠嘗哀集永嘉遺事刻浪跡續

談中

湯志

湯璫字子厚武進人太學生世有名德少好學不喜舉子業工古文辭屢試不售性耿介不合時趨嘗游廣平幕中知府沈濤延纂滌陽貞石錄叔成烈署縉雲縣招之修志凡序錄各表及藝文錄皆出其手道光庚戌成烈署縣事

修永嘉志復招之來閱三月成書八卷舊疾作乃歸至杭  
州橫河橋歿於舟次

陽志  
棄